

INZILA YA

MUSINSIMI WAKASIMPE

 Walumbwa, Mukwesu Borders. Katu ciimvwi kuciindi notuba a mupailo. Nda libuzya na kuli ujisi nkumbizyo sunumasiku, inga watambika maanza ako a kwaamba, “Mwami, ndime na”? Lino atu kotamike mitwe yesu.

² Taata wesu Wakujulu, mbuli mbo tumvwa lwiimbo olo, “Mwami, Nda syoma.” Inga twa yeeya zya i—zya ziindi ezyo, kuzunguluka inyika, Nda kalumvwa olo mu misyobo minji maningi, “Mwami, Nda syoma.” *Kosyoma Buyo*. Elyo, Taata, twa komba kuti kuyooba kwiindilila ku lusyomo kuli ndiswe sunumasiku a kuba kasimpe. Akube kuti tuba a lusyomo lupati muli Nduwe sunumasiku.

³ Elyo lino twa kombela mbungano eyi niini, a mweembeli wayo, Mukwesu wesu Fuller, mulanda Wako, mukwesu ngo tu jisi kaanzambwene mukati. Elyo twa kombela mukwasyi oyu, babelesi bakwe okuno, bamadaikona, basyomesi, a bonse banjila mu milyango eyi iilemekwa. Twa komba, Mwami, icinooli ng’anda ya mumuni kuli Jesu Kristo.

⁴ Longezya boonse bakwesu bakutauka abo bali kookuno sunumasiku, abo banjila a kuzwa antomwe a ndiswe, mu lweendo loonse. Twa komba, Taata, kuti Ula baleleka cakuvulisya.

⁵ Elyo twa lomba, sunumasiku, ku kutilwa kumbi kwa Busyu Bwako aali ndiswe. Tuli bulide, Mwami. Tuli Ku bulide. Tuli mukubula cakuzumanana nkaambo tuli waano mu bbuwa lyankondo, Mwami, oko mizeezo nkoi bambwa. Elyo twa lomba, Taata, kuti Ula tuyumyayumya cakuzumanana antoomwe a Busyu Bwako. Bula cita kunji loko kuli ndiswe, tu lizi kuti Uli andiswe. Kolitondezya buyo Lwako kuti nkoli, Mwami, mpawo cila tuyumyayumya kuyabuya. Koponya balwazi a bapengede. Kovuna basweekede. Koyumya batyompedwe. Kojana bulemu kuli Lwalo. Twa cilomba mu Žina lya Jesu. Ameni.

Inga mwa kkala.

⁶ Nda syoma wakali Davida wakati, “Nda kakkomanan cindi niba kandaambila kuti, ‘Katuya mu ng’anda ya Mwami.’”

⁷ Billy wati, kaindi kainda, wati, “Sa toli mukubaanga wa katala, taata?”

⁸ Nda ti, “Iiyi. Nda kali katede mu buumi bwangu.” Ca kaba boobo cakuti Nda ka kuzibila.

⁹ Nda talika kuyeyya, “Ee, Ndiya bucumbaala loko. Nde elede kubaanga nkucesya aniini.” Mpawo muntuumwi waboola ambali, uutandila myaka yakukomena ili makumi alilusele na makumi alifuka, kapa cisi kusuka ncobeni, uutandila kukomena ziindi zyobilo kuli ndime, nywebo mulizi. Nda yeeya, “Ma! Nda fwansonii kuli lwangu.”

¹⁰ Kunselelo ku cikombelo ku muunzi, kuli banabukwetene baubauba bakaindi ba zina lya Kidd, baselemukila okuya kuzwa ku Ohio. Lino, bobilo babo, kabotu omuya, makumi osanwe na makumi alilusele. Elyo baka cembaala loko kusikila taba cikonzyi kunjila mambungano, nkaambo abo... Ba ba cijisi majwi akubwene. Pele sa mulizi ncoba citaa? Kutandila teepu aimwi... Oyu mwanakazi muubauba muniini wakayobola mali akwe a kuula teepu rekkoda. Elyo ula bweza teepu. Nda mutumina mateepu. Elyo ula bweza mateepu aya, nkabela ula unka ku zibbadela, koonse oko nkwa konzya kubikka eyi teepu rekkoda, walo a mulumi wakwe wakaindi, kabaalizya mateepu. Elyo mpawo Ndila mutumina cikata cipati ca—ca tusila twa mipailo oto Ntwe kakombela. Elyo lumwi mu ziindizimwi, “Mukwesu Willy, Nda maninwa tusila twa mipailo alubo.” Elyo mpawo cindi Nda babona, inga waa njila mu mbungano, masusu masyoonto ajisi imvwi, cilembo cinini; a walo, mulombwana muubauba.

Kutandila myaka yone na yosanwe yakainda, cindi Ne kali ku i...

¹¹ Ndi zina nzi lya busena okuya mu Ohio, oko nkobaba a muswaangano oyo wabaiminizi a mwaka? Ba bwiita kuti Chautauqua. Pele Nda luba lino. Buli amasena alya. Pele ndi zina nzi i—i lya dolopo, Nse konzyi kubwiibaluka. [Ii mukwesui wati, “Franklin.”] Ii mucizi wati, “Miami, kumbali lya Middletown.”—Mul.] Lino, mbobubede, muli munsi loko lino. Muntuumwi wati twiinda moonya mu Miami. [I mukwesu wati alubo, “Franklin.”] Elyo buli munsi ku Franklin. Iiyi. Mbo mbubo. Moonya mu... Nda syoma buli akati ka Franklin... [Bakwesu bobilo batii, “Middletown.”] Middletown. Mbubo. Mbo mbubo. Aboobo, Mbo mbubo, Middletown, kunselelo lya mulonga, aboobo nku masena aku Chautauqua omuya. Obo mbwa bbasiketibbo mpati, busena bwa misobano okuya.

¹² Elyo oyu mukwesu, oh, Nda kabaziba kwa myaka, alimwi Mukwesu Kidd muubauba wakaindi mbwabede, oh, Ndi yeylea kuti ujisi myaka ili makumi alilusele cindi niba kamutola kokuya, nkabela bamadokotela baka jana kuti maprosteti akwe akasanduka kuba malinensi. Elyo aboobo eci cikoto caka muzambaila ncobeni. Ee, baamba kuti ni cakapandulwa. Aboobo cindi niba kamujula, “Baa, tii kwakali kuyandika kupandula. Wa kakomenede maningi kucumbaala.” Mwabona? Kati, “Takukwe nzila ya kucicita, pee.” Ee, bakaleta mulombwana muubauba ku muunzi. Elyo, kupandulwa,

nciyumu ku muntu wa myaka ili makumi alilusele yakukomena. Alimwi wa kali kulema biyo kutandila, oh, Nda yeeyela, mapaundi aatasiki ku mwaanda.

¹³ Aboobo, Bamuka. Kidd bakatumina, kumusanza. Nda kazwaa kusika kumwi. Mukwesu Kidd wakali kufwa. Elyo kati, "Uyanda ku kubona, Mukwesu Branham, kotana... katana kuunka." Ee, Billy a Mebo twa kanyona. Tu jisi i—i mulumbe, busiku bomwe, kutandila teeni okuloko. Twa katalika, cifumo citobela, kutandila foo. Nkaambo, akalangabweeseme buzuba butobela, Nda keelede kuzwa alubo. Elyo twa katii zapaulé mataya kuzwa ku mootokala wesu, kusika kutala okuya.

¹⁴ Mulombwana muubauba wakaindi, baka tola kutala cindi Ne kasika okuya. Elyo wa kajisi cilembo aa makuko akwe kakkede alya mbuli sikale. Ca kacita citucimwi kuli ndime. Elyo cindi Ne kajokela ku mulanga, wa kalangalanga.

¹⁵ Kwakali mulindu umbi mucembele waka kkede alya, kali umwi wa mamembala aa mbungano yakwe kuzwida na kali kukambauka mu malundu, cilundu ca malasha mu Kentucky, oko nkawakali kuwashilila maseenti ali kkumi aosanwe buzuba bomwe, kuti atume mulumi wakwe kuya mu masena kuyo kambauka Makanimabotu. Eyo yakali kutandila myaka ili kkumi Nke tana kuzyalwa; kakambauka Mulumbe! Elyo wa kalangalanga, nkabela wa kaita "banyinakulu," elyo walo myaka ili makumi alilusele yakukomena. Elyo waa kali kwiindilila ku makumi alifuka. Elyo aboobo wa katu, "Banene, mu boneka kutuba mbuli caanda."

¹⁶ Nda kayeeya, "Eyo nje zila ya mukutausi kulanga ku mbunga yakwe, kalede, kakkede alya, kafwa. 'Banene, mu boneka kutuba muli caanda.'" Inzya.

Elyo wa kacebuka kulanga koonse. Wa kati, "Mukwesu Branham?"

Nda kati, "Iyi, Mukwesu Kidd?"

¹⁷ Wa kati, "Ee, Ndi yeeyela kuti taliko lampa kusikila Ula tuma nkalaki yangu kunselelo." Kati, "Ndiya kujulu, cifumo cino."

¹⁸ Elyo Nda kati, "Ncibotuloko, Mukwesu Kidd." Nda kati, "Eyo nje nzila ya kulimvwa."

¹⁹ Elyo Mucizi Kidd muubauba wakaindi, mbangaye ba muysi, omuno? Inzya. Ndi lizi, oh, bunji bwanu mulibazi. Aboobo wa kati... Waa kati, "Pele, Mukwesu Willy, sa toyeeyi kuti Leza inga waponya taa lino?"

Kati, "Nincobeni, inga Wa cita."

²⁰ Elyo wa kati, "Ee, bulemu kuli Leza!" Wa kati, "Ikuti na Ula yanda kundi ponya," kati, "Ndili—Ndili libambilide kubeleka alubo."

Nda kayeeya, “Myaka ili makumi alilusele yakukomena!”

Nda katalika kufugama. Mpaawo kwakasika cilengaano. Eco cakali ncico.

²¹ Kwiinde mazuba obilo, baka mujosya okuya ku cibbadela. Balombe bakwe bakali mumpi ya basilikali okuya mu dolopo. Tiiba ka ci mvwisya. Ba kamujosya kuli dokotela. Elyo dokotela waka kwazya mutwe wakwe, wakati, “Omuntu, takukwe mukondo wa ceeco Nce konzya kujan ali oonse, lino, ndaambile kaano kako.” Elyo mpawo wa kali kutandila kumwayaula cibbadela. Kapilukila ncobeni a teepu rekkoda yakwe, ngooyu wakasika, kalizya Mulumbe. Elyo bakkala kokuya ku... Elyo nkoonya okuya munsi ly a Chautauqua a kokuya.

²² Lino, Mbweyo talikila buyo *I Zinamatizyo Zili Ciloba*, mbuli mbo twa kacita *I Makkalo Aambungano Aliciloba*. Waa kandi tumina busiku bumwi, waa kati, “Ee, oyandwa, ikuti Ne jisi mali,” waa kati, “Inga masimpe neselemukila oko.”

²³ Nda kati, “Ko ciluba, Bamuka. Kidd. Busena bwako—bwako bula lindila. Yebo a taa kamusika kunselelo.”

Waa kati, “Longezegwa moyo wako muniini!”

²⁴ Lino eco cindi bamba buyo kulimvwa kabotu ncobeni, nywebo mulizi, nkaambo balandi yemyayumya. Ku myaka yakukomena ili makumi osanwe na makumi alilusele acisambomwe, nkabela uciyabuya. Mpawo mebo, nketongooka awa, ku makumi osanwe aotatwe. Aboobo, ma, cindi bamba kulimvwa kuba a camba.

²⁵ Ee, tu jisi kunji loko kwa kwaambaula, a nkamu mbotu boobu yaku kananina, baa, inga twa kkala awa kwa cisela ca busiku nconzyo.

²⁶ Pele mweelede kuya ku kwiiya kwa Munsono cifumo lino. Lino, mweelede kuba masimpe kucita ceeco. Elyo amuyeyeye, Nda kaamba lyonse, ncibi ncobeni kutuma bana banu ku kwiiya kwa Munsono. Muta nociti eco. Eco cililubide. Kamu batola, lyoonse. Mwabona? Lyonse ka mwiinka abo. Wa... Alimwi aboobo, lino, oko nkuseeni.

²⁷ Aboobo, lino, ikuti na mwaeelala kutainka ku ncito, ku kumvwa, kuba andiswe a kukomba andiswe, abumwi bumbi, mweelede kutainka ku ncito, oko kuli kabotu. Kamuzumanana buyo akutainka ku ncito, pele muta kakilwi kuya ku mbungano. Muta kakilwi kuya ku mbungano. Nse kamu musyi maningi kukakilwa kuya ku mbungano. Pele ikuti na tee mwainka ku ncito, ziindizimwi, eco tacikanyonganyi. Lino, nkaambo, ncito, eco ncinkwa buyo canu camazuba oonse, alimwi, nywebo, Mwami wakasyomezya kupa ceeco. Aboobo, pele, eci, mweelede kuba masimpe kuboola ku mbungano. Nywebo mwabona?

²⁸ Ndi yeeya kuti, juunza cifumo, Ndi nooli a mukwesu umbi mubotu omuno mu dolopo. Pele Nse zyi zina lyakwe

mbolibede lino. Ndi yeeya kuti litegwa Mbungano ya Baapostolo, na Mbungano ya Baapostolo, mubwini. Ni Mbungano ya Baapostolo. Inga—Inga nkemuzi mukwesu. Zina lyakwe talili aa pepa. Pele Ta—Ta ndimuzi na mukwesu uuli buti ku ciindi eci. Mpawo juunza masiku, kutala...[Ii mukwesu wati, “Macias.”—Mul.] Nseemvwa? [“Mukwesu Macias.”] Mukwesu Macias. Oh, Macias. Oh, mbungano ina Mexico. Sa mbo mbubo? Oh, sa ngo nguwe wakabweza busena bwa Mukwesu Garcia cindi nakzwa awa? [“Mbombubo.”] Ncibotu. Eco cili kabotu loko.

²⁹ Kwaamba, Ndi jisi kagwalo, okuno ciindicimwi cainda, kuzwa ku mwana wakwe musimbi, kutala...Mukwesu Garcia, kutala mu—mu California, uci jatilide. Aboobo, Ndili lumbide kapati. Elyo Nda kabona Mukwesu a Mucizi Garcia cindi Ne kali ku San Jose, Nda syoma, a Mukwesu Borders kutala okuya. Ba cita buyo kabotu. Nse kalubi masiku ayo kutala okuya ku mbungano eyo niini ina Mexico. Nse na mvwa kunji maningi kwa “Gloria a Dios” mu buumi bwangu boonse. Nse kailubi eyo, “Gloria a Dios.”

³⁰ [Mukwesu Williams wakanana ku Mukwesu Branham—Mul.] Ma! Walumbwa, Mukwesu Williams. Eco ncibotu. zyuuno zili myaanda ili kkumi ayosanwe, kuseeni, mu mbungano eyi. Kwaamba, bantuboонse basika okuya, ikuti na tonu unka... Lino, lindila aniini. Ncibotu ndacenjela kujatikizya ceeco. Nda ti cintucimwi cili lubide nkokuti. Peepe. Kusinizya koonse, ko janwa ku bulizi bwa ncito yako. Mwabona? Muta...Lino, cili kabotu.

³¹ Elyo sunu Nda jana kuti ba...Bona tente. Ndali kunselelo awa ku Sikisitiini a Henshaw. Na, obo mbo bwakabede cindi Ne kanjila, okuno mu Arizona, kutandila myaka ili makumi otatwe ayosanwe yakainda, mugwagwa wakale watombe. Nda kaunka kubusena nko bakabede, nkabela bwakali Sikistiini a Henshaw. Nda kakkala okuya a bantu bamwi, Francisco, alimwi—alimwi lino inga tobuziba busena kuti mbobubo. Nekuba a zina lyakacinca. Ndi yeeya kuti litegwa Buckeye Road lino.

Elyo, oh, nzila zintu mbozicinca, pele Leza taciti.

³² Elyo aboobo Nda kali kokuya a kubona mukwesu kajisi muswaangano wa tente. Mukwesu umwi okuya uujisi tente kutala. Nda kaunka kubusena kuyo bona ikuti na Nda kali kukonzya kumbona, pele Nse kamubona ali oonse, ku mwaambila kuti tee twakali kokuno mu muzundano kuli nguwe. Pele, kuli bantu banji maningi okuno!

³³ Nda yeeya Jack Shuler. Eci inga cabota kuli ndinywe nobantu ba Methodisti. Cindi Ne kasika okuno limwi, kwakali ku Madison Square Garden, Jack wakali okuno ku i—ku cikolo cipati. Elyo—elyo Nda kamutumina. Elyo Nda katì, “Mukwesu Jack?”

Wa kati, "Iiyi. Sa oyu Mukwesu Branham?"

Nda kati, "Iiyi." Nda kati, "Nda kujilila nconzyo awa ali nduwe."

³⁴ Elyo wa kati, "Peepe." Kat, "Peepe. Nda kkalisyia ncobeni a kunjila mu ciindi cako."

³⁵ Elyo Nda kati, "Oh, Nda lubila, Mukwesu Jack." Nda kati, "Nse ci..."

³⁶ "Aah," wa kati—kati, "eco cili kabotu, Mukwesu Branham." Kat, "Ba kali kuyanda buyo kuti ndikkalisye."

³⁷ Nda kati, "Oh, nkamu yangu tai kokupenzya okuya, nekuba, Jack," Nda kati, "nkaambo bunji bangu boonse mba Pentekoste."

Wa kati, "Nkaambo, bangu mbobabede, abalo."

Nda kati, "Inzya?"

"Baa," wa kati, "masimpe." Wa kati, "Ndimuna pentekoste."

³⁸ Nda kati, "lino, ncibotu uta lekeli Bob kuziba booboo." Ngu wisi, nywebo mulizi. Elyo ngwa Methodisti, awalo, waka tintanisigwa mu wuulu, nywebo mulizi.

³⁹ "Ee," wakati, "Mukwesu Branham, sa tozyi obo ii—obo muna pentekoste mbwabede?"

Nda kati, "Ndi yeeya booboo."

Kat, "Ngu Orthodokisi Methodisti."

⁴⁰ Oko kutandila kululama, Orthodokisi Methodisti. Mbo mbubo. Ikuti na mbungano ya Methodisti yazumanana a mulumbe wayo, niya kanjila mu pentekoste ncobeni. I—i Mbungano ini yakacita.

⁴¹ Taakwe, taakwe kuubausya kabungwe kako lino, mukwesu. Mwabona? Nkaambo pentekoste takali kabunga. Ba kasola kucita booboo, pele masimpe baakakilwa muli njiyo. Mwabona? Lwalo nducitiko. Inzya. Pentekoste njaba Katolika, na—na ba Juda, na uli oonse ujana... Pentekoste lwalo nducitiko, kutali kabunga.

⁴² Elyo lino ikuti umwi ujisi Bbaibbele lyakwe lijulidwe, na lijalidwe, oyo uyanda kubala a ndime Majwi masyoonto. Ndi yanda kubala Ijwi. Sa tamuciti? [Mbunga yaamba, "Ameni."—Mul.] Nkaambo, akwalo, eco Nce konzya kwaamba inga cakakilwa, nkaambo Ndili muntu. Pele eco Nca amba tacikonzzi kukakilwa. Mwabona? "Majulu a nyika ziyo loba, pele Ijwi Lyangu tali kakakilwi." Oh! Sa eco tacili cibotuloko? ["Ameni."] Ijwi Lyakwe tali kakakilwi. Ino ncintu cabulemu mbo cibede! Ijwi Lyakwe tali kakakilwi.

⁴³ Lino atu bale sunumasiku kuzwa, a kugusya ciiyo ciniini kuzwa kuli ncico, eco Nceyo bweza kuba cibalo, na Mwami wayanda. Cili mu Bbuku lya Amosi, cisinsime ca Amosi. Elyo wa

kapona kutandila myaka iliciloba a... Ndi yeeya kuti itandila ku myaanda iliciloba amakumi alilusele ailiciloba kakutaninga kuba kuboola kwa Kristo. Atu jule ku cipati 3 ca Amosi, Ijwi lya Mwami kwiinda kuli Amosi. Alimwi Nda—Nda muyanda muntu oyu. Wa kalanganisigwa kuba umwi wa basinsimi baniini, pele nincobeni wa kajisi Ijwi lya Mwami.

Amumvwe eli ijwi MWAMI ndya kanana kulwisyi ndinywe, Nobana ba Israyeli, kulwisyi mukwasyi woonse Ngwe kagusya kuzwa mu cisi ca Egepita, kwaamba,

Nywebo amulikke Mbe kaziba... yoonse mikwasyi yaa nyika: nkikaako Njo musubula nkambo ka mulandu wanu oonse.

Sena bobilo balakonzya kweenda atoomwe, citakuti ba zuminana?

Sa mulavu inga wavuluma musyokwe, kakuli taakwe cilyo? sa kana ka mulavu inga kwila kuzwa mu bulyango bwako, ikuti na tee kajata cimwi?

Sa kayuni inga kawida aa kakole kala nyika, awo aatakwe sikukateya? sena umwi inga wanantula kakole kuzwa aa nika, a kuta jata cimwi pe?

Sa mweembo uyo lila mu munzi, nkabela bantu ka ba tayoowi? sena kuyooba bubi mu munzi, nkabela MWAMI ta bu cita?

Nincobeni Mwami... taka citi cintu, pele uyo yubununa maseseke akwe ku balanda bakwe basinsimi.

I mulavu avuluma, nguni uta yoowi? Mwami LEZA wa kanana, nguni ukonzya cita kusinsima?

⁴⁴ Akube kuti Mwami ayungizye zilongezyo Zyakwe ku Majwi aya.

⁴⁵ Kweelede kuti meso akwe masyoonto kasuumana, mbuli zuba lipya mbolya kabala cifumo eco a kubalama a cilezu cakwe camvwi a masusu akwe, mbuli mbwa katanta cilundu kunyiika yaku Samaria a kulanga koonse ku munzi. Zisani zyakwe zyakali zyalyonse mubwini, a matende akwe kazwide lusuko. Ta kali kweebeka loko, pele wa kajisi MBUBOOBU MBWAAMBA I MWAMI wa bantu.

⁴⁶ Obo mbo kwiiindene sunu a buvangeli bwasyaasunu! Ino mbubambe bwaandeene kuli mbo tu jisi, kwiinda nguwe!

⁴⁷ Oyu mulombwana muniini, taakwe umbi cita Amosi, musinsimi wakasimpe iwa Mwami, kajisi Ijwi lya Mwami, lya nzyalani eyo abubi! Oyu muntu, muniini utayoowi waka sinsima mu mazuba aa Jeroboamu wabili.

⁴⁸ Jeroboamu wakali musongo, musongo loko, mupampu, pele wa kali sumituni. Alimwi Jeroboamu waka sololela bwami

bwakwe ku zeniti yabo, pele wa kali mu mituni. Wa kacicita munzila ilubide. Pele bwami bwakali sumpukide kunsi ly Jeroboamu.

⁴⁹ Alimwi, kanji, lusumpuko lucitya cibi. Bantu banji balanga ku lusumpuko mbuli zilongezyo. Inga lwaba, ikuti na twa konzya kulujata kabotu. Pele kanji lusololela ku cibi, kusampa Paula Leza.

⁵⁰ I bwami bwakali kufwefwema mu buzuba bwakwe. Alimwi, bantu. Wa kapanga bbelekelaamwi a masi oonse akamu zungulikide.

⁵¹ Alimwi obo Israyeli mboya kaleya kunjila mu cibi ciyoosya, yakazwa kuli Leza, yakazwa ku milao Yakwe a mbeta Zyakwe, nkabela yakaleya, kumaninina, mu kulilemeka kubi. I banakazi bakali kweenda mu tugwagwa, mu zisani zyabo, zibotu ziteelede. I baalumi bakeenda koonse, kabauma njuka akunywa. I mabba mubali amigwagwa mipati, inga twa ciita sunu kuti, busena bwa kulisangabalisyा, antangalala mu munzi.

⁵² Cibi caka sampaulwa ku mulimo, ka ciledé buyo antangalala. Ii busena bubotu, cilao cipa caba sikweebela zilengwaleza, nkabela ca kakkala antangalala. Cibi tee caka tapatilwa limbi kuzwa ku cikambaukilo. Cakali kuya bucitka buyo ali oonse.

⁵³ Elyo cindi cisinsime eci nicakayutuka, ca kali kuboneka mbuli kuti inga nicata... Ni cakaba cintu citolelela kukonzya kucitika lyoonse. Kweendelana kuli eco oyu musinsimi nca kabaambilä, ciyooba cintu citolelela cakali kukonzya kucitika kuli mbabo kuzwa kunzila nja kasinganya nzyalani eyo. Pele, nekubaboo, mu myaka ili makumi osanwe, bwami bwabo bwaka zimaazigwa cakumaninina aa nyika.

⁵⁴ Leza ulakanana Ijwi Lyakwe. Alimwi Ijwi ly Leza lili mbuli Mbuto. Elyo cindi Ly a mizwa, cindi oyo musinsimi kaboola a Ijwi ly Mwami a kwaamba majwi aya, aka cita kucitika, na kali Majwi aa Leza. Cindi i—i Ijwi ly Mwami ly nanikwa, alimwi Ndi Ijwi ly Mwami, Lye elede kutola busena Bwalyo mu ciindiceelede Calyo.

⁵⁵ Tula konzya ku Li bona, kwamana zyuulu zya myaka, kalitola busena Bwalyo sunu. Lye elede kucicita, nkaambo Ndi Ijwi ly Mwami, alimwi Tali konzyi kuloba.

⁵⁶ Umwi wakali kukanana buzuba bumwi kuli ndime, a kuti “Matalikilo ali lubide, alimwi mazuba ali cisambomwe aakulenga, ayo Nga kati.”

⁵⁷ Nda kati, “Matalikilo 1 kusika (Matalikilo) 2 ncintu candeene kumaninina.” I cipati 1 ca Matalikilo caamba kuti, “Kumatalikilo Leza walenga majulu a nyika,” kwamana. Nzila Mbwa kacicita, alimwi cindi Na kacicita, cili kuli Nguwe. Iiyi. Mpawo, “I inyika teeya kajisi ciimo, a kubula zintu,” mpawo twa talika kuzwida awo, ku bulenge. Pele, “Kumatalikilo,” kule buti,

ta tuzi. Zyoonse mbuto ezi Nzya kabikka omuya cindi meenda nakazwa, buumi bwakajoka aa nyika alubo, kazuzya nyika. Elyo cindi Ijwi lya Leza nilya kamizwa, takukwe cintu cikonzya ku Li kasya kucitika.

⁵⁸ Elyo oyu musinsimi muniini utayoowi wakasika kuzwa kutazizilwe. I cintu biyo nco twa kaambila nca kuti, wa kali mweembezi wa matanga. Ta tuzi na bawisi bakali bani. Ta tuzi na banyina bakali bani. Ta tuzi oko kuli mikowa yakwe, kwina yakwe.

⁵⁹ Eyo nje nzila kanji bantu bakatumwa kwa Leza mboba boola aa cilawo. Bala zwa kutazizilwe, a kubililila nzila njionya. Ta tujisi bulunguluzi bwakwe, cintu cakacitika.

⁶⁰ Oyu muntu mulemu Jeroboamu, oyo wakali ii–ii singuzu mupati kukuyeyya, alimwi wa kajisi cisi mu lusumpuko, nekubaboo, mu cibi.

⁶¹ Nda libuzya, ikuti na ta tukonzyi kubaanga nkukozyanisa eco anini sunumasiku ku cisi cesu cini, cisi cesu cini, mu cibi nzila mbo cibede. Nekubaboo, lusumpuko, tuyu jana kujubilwa mu mitelo, cakufwambaana, Mbwe mvwa. Mubwini, uli oonse ulakonzya kubala akati ka mizila awo, maelekishini aboola. Pele, azimwi, zyoonse zintu ezi ziya bucitika.

⁶² Israyeli, bakambausi, bapaizi, a mfulumende zyaka siide Ijwi lya Leza kusule, a kulimvwanya. Eno nke kaambo cisi nce cakali mu ciimo eco mocakabede, nekubakuti bakali jisi bapaizi banji loko, a bakambausi banji loko mbuli mboba kabede lyoonse. Pele bakali siide Ijwi lya Leza, bakata ntamuka kuzwa kuli Ndilayo. Elyo cili ku ciindi eco lyoonse, kuti Leza ulatuma muntuumwi kuzwa kumwi, ku kucitapatila anguzu kujokela mu kazila kaco alubo. Muntu umwi utayoowi uya kubuka a Ijwi lya Mwami a kuzungaanya bantu kujoka ku Ijwi alubo.

⁶³ Nda kali kubona awa neonzyo. Nda lembede cintucimwi awa, eco ndiza Nee yanda kutondeka ko alubo. Mpa cipati 2, kampango 4. Ndi yanda kucibala. Amuswiilile kuli oyu mulombwana muniini kakanana ceecei kabotu.

*Mbuboobu mbwaamba Mwami; Nkambo ka nsotoko ezi
zyotatwe izya Juda, alimwi...zyone, Ta ndiko gusya
cisubulo nkikaako; nkaambo ba sampaula mulao wa
Mwami, alimwi tee babamba milao yakwe, alimwi
bubeji bwabo bwaba citya ku lubila, mwalo bamawisi
moba keendela:*

⁶⁴ Mwabona oko mulumbe wakwe nkowa kabede? Kuubikka kujoka ncobeni, kuti bakali zwide ku Ijwi lya Leza. Kuli sikubala wa Bbaibbele uli oonse, eco cikubamba kuziba kuti wa kali musinsimi wakasimpe. Wa kaba josya ncobeni ku Ijwi, oko nkoba kawida.

⁶⁵ Oh, antela mambungano abo kali sumpukide. Andiza baka jisi mayake mabotu. Munzi wabo antela wakali kweebeka kwiinda Phoenix. Kali ku Samaria, mbuli mbo tuzyi toonse, bwakali busena upati bwa basikweebela zilengwaleza. Akwalo bucili, busena bubotu.

⁶⁶ Pele, nekubaboo, bakali zwide kuli Leza. Elyo Leza waka tuma oyu mutumwa kuli mbabo. Ino mulumbe waku tapatila uuzwa kwa Leza! Oyu musinsimi muniini waka bagusya.

⁶⁷ Lino, Amosi waka yutuka kuzwa mu nkanda, kuya mu munzi wa bweebesi. Ta cigambyi meso akwe maniini aakapegwa aa Leza akasuumana mbuli mbwa katanta cilundi. Wa . . .

⁶⁸ Kutali mbuli sikweebela zilengwaleza mbwanga wacita, balindu, ku kwaamba, "Amulange kuulaula koonse banakazi noba cita. Amulange bubambe tupya mbo bajisi anselelo awa," na kutali mbuli bamwi baalumi mbo bangala bayeeya, "I makkasino, a zimwi zimbi, zyakali zipati loko mu munzi," na nkaambo bakali kukonzya kukkala mu makkona aatugwagwa akulangilila kwiinda kumwi kwankwela, zisusi.

⁶⁹ Pele oyu musinsimi, meso akwe akasuumana nkaambo ka cibi nca kabona mu munzi. Ta kasuumana nkaambo ka zintu nzyakali kunyomenena, pele kabona kusakana nko bakazwide kuli Leza, bantu ba kaitwa a kusalwa. Sena mwabona awa? Wa kati, "Ta ndizi bantu bambi cita nduwe. Nda kamusololela kuzwa mu Egepita, alimwi mpawo mwa Ndi tantamuka mbuli boobo."

⁷⁰ Elyo cindi oyu musinsimi, kwa ku mweembezi wa matanga kujoka kutala mu cisi ca kunyiika, a Ijwi ly a Mwami, obo mbwa kalanga a munzi oyo. Kweelede kuti wakapukuta nkasaalo. Zikobela zyakwe zyakali galankene. Elyo antela taka jisi mali manji aku bbadelela ii—ii kaanda ka busiku obo. Tee cakabamba lwaandaano lumwi kuli nguwe. Wa kajisi mulumbe wakali kupya mu moyo wakwe, nkabela wa keelede kuuyutula. Kutali biyo obo, pele bunanike bwa Muuya Uusalala bwa kamunamatila okuya mu nkanda, bwa kajala meso akwe kuzwa ku bwuebesi bwa inyika.

⁷¹ Alimwi kufumbwa mulanda wa Kristo uunanikidwe, meso akwe aliofweede ku zintu zya inyika. Taba boni zintu ezyo. Taba ziyandauli pe. Ba jisi cintu comwe: Kristo kunembo lyabo. Nkukoonse nkoba bona. Taba yoowi cili coonse. Kristo uli kunembo lyabo. Ii Mulumbe weeledes kupega ku bantu, nkabela ta baimi ali cimwi. To konzyi Ku umpa kuzwa kuli mbabo. Inga wababikka mujele, ntolongo, kufumbwa nkoyanda. Bayo zwa ncobeni kuli ncico alubo. Abo mbananike ba Mwami. Iiyi.

⁷² Wa kalanga akubija kumuuya kwa munzi, bwaamu, a kubija kumuuya kwa munzi.

⁷³ Ndalibuzya na mbangaye balanda ba Mwami, balanduka mulundu atala awa, banga balanga ali Phoenix? Muboola

kokuno nkambo ka bweebesi, a kubala kwazuba, a kupumuna, eco nco tu takonzyi kukanana cabuubauba ca ceeco.

⁷⁴ Okuno kutali kaindi kalamfuu kakainda, ciindi camana Ne kali kokuno, nke kkede aa South Mountain, mukaintu wangu kakkede kusule okuya, Nda kali kukanana kuli nguwe. Nda kati, "Kutandila myaka ili myaanda yotatwe na yone yakainda ikkuti lyakali busena bubotu, kwina kuzumbauzya, cindi Mulonga wa Salt niwakali kwinda awa, a baumpe, a zimwi zimbi, a kusonsa kwa zisamu zyamaamvwa. Langa nzila mbo... I cintu coonse caba cidyobedyobe ca cibi."

Elyo waa kati, "Ee, mpawo ncinzi cikuleta kokuno?"

⁷⁵ Nda kati, "Nceeci cindileta kokuno. Nekubakuti mu mudima wabo alimwi mu cibi eco cili mu munzi, kuli bumboni bumwi bwa Mwami, zibumbwa zyuumi lya Kristo, kunselelo okuya. Nda kaboola ku kubelekela antoomwe ambabo, ku kumwesya Mumuni wa Makanimabotu. Bamwi bakwesu abo baubauba bakaindi kunselelo okuya mu kkona lya kagwagwa abusenabumwi, ka cibeleka, a ku cipengela kapati, a koompolola a kucikombela, a mulumbe aa moyo wabo. Nda boola kuwaala cibeeala cangu ambabo, ku kumwesya Mumuni wa Makanimabotu anjoloma aa Jesu Kristo ku busena bwadolopo pati lya cooko eci ca Phoenix."

⁷⁶ Muli ndilyo, nekubaboo, inga bwaba busenabubotu kapati; ikuti na muntu wabweza buyo kuzwidilila kwakwe oko nkawonzya kucita, kukuyaka maanza mabotu mbuli ali kutala ku Camelback Mountaini, Cavalier Mountaini. Mbuli Mbwe kainda okuya, baa, myaka ili makumi otatwe ayosanwe yakainda, olo lwakali lukula. Twa kali kwianzya tumbongolo okuya katu tantide kusule. Elyo atala lya South Mountain okuno, ka twaanda tumbongolo a mbizi.

⁷⁷ Elyo lino bwaba busena bwadolopo bupati bwa cooko eci cipati cibotu kapati. Buya bukomena mu makumi a zyuulu taimuzi zyuulu. Bwa kakwazama, kusikila lino kubija kwalyo kwa zyooke kwa kuleta ku lupyopyongan. Busi busofweede kabunjila. Busi bwanu bwameenda mu luwo mbubi loko mbuli Jeffersonville, Indiana, mu Kkuti lyaku Ohio. Ciyanda cakutilaila... Muntu lyoonse waka sofwaazya inyika. Cindi bama India niba kaijisi, bwa kali busena bubotu. Pele cindi mukuwa naka njila, wa kaleta zibi zyakwe, a zikola, a bwaamu. Alimwi wasofwaazya masi kusikila aba citandila kuba zimbotela. Ino ncitu ca kulanga! Leza uyo cizimaazya kuzwa ku busyu bwa nyika, bumwi bwa mazuba aya.

⁷⁸ Alimwi Uli mukusala bantu, mu bululami, abo bay a kulela atala aa nyika, mbuli Mbwa lela mbuli Mwaami. Uli mukubweza bantu Bakwe lino ku Zina Lyakwe, bantu ba Bwami Bwakwe.

⁷⁹ Lino, inga eyi yaba nsongo, yabupampu, nkamu yabupampu iya Israyeli; muleli wabo mupati, wanguzu, sibupampu na

mwaami, Jeroboamu, oyo wakali muntu mucenjezu; alimwi sa inga bamumvwa oyu musinsimi, muniini utazizilwe? Sa inga mulumbe oyu mupati, oyo usuka mu moyo wakwe, sa inga weenda kwiinda mu tugwagwa, a bantu kukonzya, banakazi kukonzya, kusama kabotu loko alubo, sa bamaalumi inga basiya mataaveni a masena aa zibi, akusandukila kuli Leza ku kukambauka kwa mulombwana oyu, muniii uutazizilwe? Oyo mubuzyo niwa kaboola mu tuyeyeo wakwe, na kucita muli wangu, cindi Nda mubona kaimvwi alya, a mutwe wakwe muniini, ujisi lubala kaumweka mu zuba. Cilezu cakwe cijisi imvvi kacilengelela ku bbaki lyakwe. Kalanga anselelo kwiinda alya, a kulanga aa munzi oyo, a meso akwe kasuumene, a moyo wakwe kauuma.

⁸⁰ Elyo nekuba, omuya, wa kabona Bwami bwa Leza, kuti bweelede kuyakwa okuya, boonse bwa keelekwa mu zibi. Elyo a kutapatilwa kuzwa kuli Leza, oko kutapaila kuzwa ku mwaami kuya ku mukumbizi mu kagwagwa, oonse mupaizi, mukambausi, mwaami, simalela, muleli wanguzu zinji, kufumbwa mbwakabede, wa kabikka lutuko lwa Leza ali mbabo. Nkaambo ba... Muyeyya kuti inga bamu tambula. Oh, sa inga ba cimvwisya?

⁸¹ Amuyeeye, Ta kajisi ku kulwaizigwa. Wa kasika kandeene kuzwa ku bavangeli besu ba sunu. Ta kajisi ku kukwaizigwa kuzwa ku bapaizi. Teeba bakazi akwalo oyo mulombwana kuti wakalini. Pele kwakali Umwi wakamuzi kuti wakalini. Oyo wakali Umwi waka mutuma. Nkukoonse kwaka jisi makani, kuli nguwe, kufumbwa kuti wa kalizi oko nkwa zwida katumwa. Mulumbe wakwe wakacita kuunka mbubonya buyo, a kutalanganya zimwi.

⁸² Ta kajisi zyeelelo zyakabungwe zya kumwiiminina cindi na kanjila mu munzi, kuboola ku nsangano ya bakutausi, kwaamba, "Bakwesu bangu, Nda katumwa aa nkamu imwi *eyi*, nkamu eyi yabukombi. Ndi zulilwa ku *niini-a-niini*." Ta kajisi eco. Ta kajisi nociba ca zintu ezyo. Akwalo ta kajisi kkadi lya luswaanano lyaku tondezya kuti kwalo wa kaimvvi mu luswaanano lubotu ku nsangano ya bakutausi kuzwa ku cisi nkwa kazwida. Ta kajisi kubelekela amwi ku miswaangano yakwe yangu. Akwalo ta kabuza uli oonse kujatikizya ncico.

⁸³ Oyo mulombwana muniini wakaimvvi mu busena bwabuyumuyumu. Inga kweelela ku mutu kunyona a kujokela, akubweza butanga bwakwe alubo, kunyamuka kweenda kuzwa mpa kasiya, ikuti naka yeeya buyo.

⁸⁴ Pele, nywebo mwabona, muntu taka bweza muzeezo wabili. Ta kayeeya makani a zyeelelo zimwi, naanka kuti wa kayeeya makani a kkadi lya luswaanano. Wa kayeeya biyo makani a cintu comwe, alimwi eco lyakali Ijwi lya Mwami. Leza waka Lipa kuli nguwe a kulaililwa, kuteeti wa keelede kuunka okuya a

kusinsima. Nku koonse kwapa lwaaandaano lumwi kuli nguwe. Wa kajisi Ijwi lya Mwami, elyo nkikaako wa kalimvwa kuti taakali kuyandikana zyelelo, na kukulwazigwa kumwi, na kubelekela amwi kumwi. I cintu ncakali kuyandikana, cakali, Wa kaisi kebekela amwi a Leza, elyo nkukonse nko cakatola. Kufumbwa kuti wa kali mu luyando lwa Mwami, ino cibamba lwandaano nzi? Kufumbwa kuti wa kalizi kuti mulumbe wakwe wakazwida kwa Leza, Leza wakali kuyo simpikizya mulumbe oyo. Wa keelede kucita.

⁸⁵ Elyo cindi na kaleta mulumbe, kwa kaboneka kuti ni kwakaba bapaizi, a bakambausi, a basinsimi ba bukkalo obo, niba kaboola mukati akweempwa, nkaambo niba kabona ciimo ca busena, mukubona bubi bwamicito. Pele cindi na katalika kusinsima a Ijwi lya Mwami, Ca kali ceenzu kuli mbabo. Taakwe nci bakazi kujatikizya Ndilyo.

⁸⁶ Ncifwanikiso cikubwene ca buzuba obo. Ceenzu, mulumbe wa Mwami! I taakwe ncoizyi kujatikizya ncico. Cindi bamvwa bantu kubuka a kupa mulumbe mu myaambo iitazizilwe, a kupa bupanduluzi kuli njijo, a kwaamba cintu cimwi cilaafwi kucitika, bantu banyona mitwe yabo a kweenda kuzwa; bayeeya kuti bantu balisondokede. Bala bona muntuumwi kabuka mu Muuya a kusinsima, na kupa mulumbe kuzwa ku Mwami, baa, bantu ba mbungano yanyika sunu bayeeya kuti muntu takkwene. Calo nceenzu kuli mbabo, nkaambo batandila kuba mu ciimo nciconya, sunu, mbuli Samaria mboya kabede buzuba obo.

⁸⁷ Pele, amuyeeye, cindi masi aba, na mbungano ya Leza lyoonse yanjila mu ciimo eco, Leza wakali kukonzya kubusya musinsimi ujisi Ijwi lya Mwami kuli mbabo. Cilimasimpe.

⁸⁸ Ba kali cilubide, kaindi loko. Pele beeleder kwiibaluka, kakutakwe kulanganya naa bala konzya kulingula mu mabbuku abo, a kubona ikuti na ba kajisi mulombwana uuzwa mu zikkolo zyabo, ku zina lya Mwiiyi. Amosi, na pe. Ba keelede kuziba, kuti, "Leza wa Abrahamu wakali kukonzya kubusya mabwe aya kuba bana, na basinsimi, ku kuleta Ijwi Lyakwe."

⁸⁹ Alimwi oyo Leza nguonya ulakozya buya sunumasiku mbuli Mbwa kabede kaindi. Elyo inga cabu, masimpe, taka mvugwa ku bantu. Ula konzya kubusya bantu, bantu bananikidwe, ba kuleta Ijwi Lyakwe. Ula konzya kubikka Ijwi mu muntu, a kumutuma, a kutondezya kuti Ngu Leza, kwiinda ku muntu oyo uya kulibombya mwini a kulipa mwini kuli Leza, akuta yoowa kubweza Leza ku Ijwi Lyakwe. Ula konzya kucicita, alimwi Uya kucicita. Wa kasyomezya kuti Uya cita.

⁹⁰ Alimwi Majwi Akwe, mubwini, akasimpikizigwa kuli mbabo mu buzuba obo. Nkaambo, kuciindi eyo nzyalani njionya niya kacilikoi, koonse oko Amosi nkwa kasinsima kwakacitika.

⁹¹ Ndali buzya sunu, lino, ikuti na Amosi wabooola kuli ndiswe, na inga twa mutambula sunu? Sa Phoenix inga ya tambula Amosi? Ikuti na kumwi ku mulundu okuno, kumwi, na kunselelo kuzwa ku cibeeela cimwi ca cisi, kwasika mulombwana, usamide cakugalankana mbuli boobo, kweenda omuno a kwiita bakutausi ku kulailwa, a kwaamba, “Ndi jisi Ijwi lya Mwami,” sena myaaye kuti inga twa mutambula? Peepe nconzyo.

I cintu citaanzi ncotunga twa mubuzya, “Ino ni nkamu nzi njoli ayo?”

⁹² Alimwi ino kuti wa wanyona, kwaamba, “I nkamu Yakujuju”? Eco inga caba ceenzu kuli ndiswe, Nda yoowa.

⁹³ Pele eyo nje nzila mbo cakabede kaindi. Alimwi antela kuba nzila njionya sunu ikuti na Amosi wasika aa cilawo.

⁹⁴ Atu, ku kaambo buyo ka ceeco Nce wamba, kumuleta kokuno, ziindi buyo zisyoonto, a kubona eco ncotu yeeya ncanga wa cita. Mulizi na ncanga wa cita? Ndi syoma kuti inga ta zuminana a bubambe bwesu boonse. Iiyi, munene. Inga ta zuminana a njiisyo zyatubungwe twesu. Inga watapatila ba Methodisti, Baptisti, Presbyteria, Lutherani, Katolika, aba Pentekoste. Inga wa njizya cintu coonse. Inga wacita ncobeni. Inga ta zuminana a njiisyo zyatubungwe twabo. Inga unka cigaminina ku ntalisyo ini ya Ijwi a kutalikila a Ijwi eeni. Inga watalika muswaangano wakwe wanguzu ali MBUBOOBU MBWAAMBI I MWAMI.

⁹⁵ Baa, baa, myueeya kuti Phoenix inga ya mutambula? Sena myueeya kuti Louisville inga ya mutambula; New York, Boston, Massachusatts, na kufumbwa mboinga yaba, California? Peepe, munene. Inga bamubikka mu jele mulombwana muniini cakufwambaana mbuli mboba konzya kumubikka omuya. Cancobeni inga wacita. Inga ba cita cancobeni. Ikuti wakajokela ku Ijwi, Ndili masimpe niba kacita, nkaambo nkamu aimwi niya taka zuminana anguwe. Ni kwatakaba omwe waka zuminana a nguwe nkaambo beeledge kujatilila ku tunsiyansiya twabo kutegwa ba tazuminani a Ijwi.

⁹⁶ Ni twa kayeeya kuti walo musinsimi wakasimpe. Ikuti na mbwakabede, alimwi ikuti na wa kali musinsimi wakatumwa kuzwa kuli Leza, na kaba cizibyo comwe kuli nguwe, cizibyo comwe cini ncotunga twa ziba kuti musinsimi: na kakala a Ijwi. Nkaambo nko nkuko Ijwi lya Leza nkolya kasika, kwakali ku basinsimi.

⁹⁷ Nyewebo mulizi na nca kalino cita? Na tapatila canguzu nzyalani eyi. Inga na katapatila mwanakazi oonse mu cisi. Inga na katapatila mukambausi oonse wakabungwe. Inga uyo cita ncobeni. Inga na tapatila sikufweba oonse wamisanga yatombwe, mwanakazi oonse oyo usama zibbudula na tulukwe. Inga na kabazapaula. Nkaambonzi? Cilwana Ijwi. Mbombubo ncobeni.

⁹⁸ Muyeyya kuti ni twa kamutambula na? Kutali munzila ili yoonse. Niba taka mutambula.

⁹⁹ Inga na katapatila kutililemeka kabotu kwa mbungano. Inga na kazungaanya munwe oyo uusutene wakaindi muniimi mu busyu bwa mukambausi a kwaamba kuti, "Yebo ndaambilila kuti uliita lwako kuba mulanda uunanikidwe wa Leza, a kuyo ima ku cikambaukilo a kulekela banakazi kusama cankwela akati ka baalumi, a zintu mbuli zeezyo? Akulekela banakazi bakubusyi kubuka mbuli boobo? Uyo zumizya baalumi bako kukwata ziindi zyobilo na zyotatwe, a kuba madaikona mu mambungano na? Yebo undaambilila kuti uyo jatilila ku pepa lya ceelelo eco nco jisi mu janza lyako, a kufutatila Ijwi lya Leza?" Oh, ma! Inga na kabwekela cintu canguzu. Iiyi, munene. I kutililemeka kabotu kwa mbungano, a kutililemeka kabotu kwa zizo, inga na kacibwekela canguzu. Ma! Acimwi cizo, na ka cimwaya. Aimwi njiisyio ya seminari yakapangwa aabantu, na kazapaula cintu eco.

¹⁰⁰ Lino, sa inga mwatambula muntu mbuli oyo? Peepe. Inga niba taka cicita. Inga niba taka cicita ncobeni. Inga niba bakagusya mulombwana oyo kuzwa mu taumi cakufwambaana mbuli mbo bakali kukonzya. Baa, nsangano niya kaswaangana antoomwe, a kwaamba, "Yawe, tweede kucita cintucimwi kujatikizya ceecei. Koambilila mbunga yako kuta unka okuya kukuwiilila oyo." Peepe. Peepe. Ni twa taka mutambula, kutali munzila ili yoonse, ni twa taka mutambula. Ncamasimpe. Niba taka cicita.

¹⁰¹ Kusuwiilila kuli nguwe kabweka canguzu. Oh, Nda ciyanda awa. Ndi langide ansi eni ali nca kaamba. Wa kati, "I Leza nguonya ngo mutaminina kubelekela uyo munyonyoka."

¹⁰² Inga na kaamba eco cintu ciconya sunu. Swebo tobana America twa livungaila lwesu maningi mu zintu zibotu kapati, mayake mapati maningi, a myeelwe mipati mu tubunga twesu, a mpuwo eyi yoonse mboti, a bakutausi bamaseminari abo bayiisigwa kuumuna aku taamba cintu kujatikizya ncico, nkaambo bala yoowa kuti inga batandwa kuzwa ku mbungano. Ncamasimpe. Inga na kabbotola cintu eco, nkaambo cilwana Ijwi. Ncamasimpe nikwakaba. Alimwi Leza nguonya ngo taminina kubelekela uyo—uyo tenta cintu eci cakumanininna, bumwi bwa mazuba aya. Uyo cibbotola kuzapauka.

¹⁰³ Amosi nata kacinca majwi akwe, ikuti nakaliko okuno sunu. Amukkale ncobeni kujokela ku Ijwi! Oh! Inzi? Amu muswiilile kabaambilila okuya, "Leza ula muyanda. Wa kamuleta. Wa mubamba kuba bantu basalidwe."

¹⁰⁴ Inga ndayanda kumumvwa mu mbungano ya Pentekoste cimwi ciindi. Mula syona kuti ngu Amosi, ndiza inga waleka kundi nyonganya kai, aniini. Mwabona? Iiyi, na kabaambilila. Inga na taka vunga fwaindi. Inga na kacitapatila canguzu buyo

mbuli mbwa kali kukonzya, a ku baambila awo mpoba kalela ku Ijwi.

¹⁰⁵ I Leza waka muleta kuzwa ku mamoccali aya akapangilwa kung'anda, akapangwa aabantu, myaka yakainda! Myaka ili makumi osanwe yakainda, bamauso a bamanyokwe bakazwa ku ziyanza ezi zya kaangide a kunjizya inyika muli mbabo. Elyo Leza wakatuma luse Lwakwe ansi a kumwiita kuzwa, kulaale kuzwa ku cibi a zintu ezyo—ezyo zyakali mu mbungano. Elyo lino mwa nyona ncobeni, mbuli Samaria mboya kacita. Kuteeti, Leza waka bagusya kuzwa ku masi, a kunyona ncobeni a kuba abbelekelaamwi a cisi eco, obo mbo tubede sunu, a kusola kuzundana a mambungano ayo mapati aatubungwe. Twa kayaka zikolo zipati kwinda. Inzi? Ta tuyandikani zikolo zipati. Kuli kabotu; Nse jisi cintu ca kwaamba kucilwana.

¹⁰⁶ Pele ciindi acimwi mwa bweza sikutalisya na musololi oyo uunka mu buzuba bwakwe, ee, uya kucita kabotu mu buzuba bwakwe, pele, mbwa unkila buyo, mpawo bay a kuyaka kabunga atala lya mulimo wakwe. Mpawo bayo njizya cikama ca ba Ricky baniini omuya, aba Elvise, nkabela, cintu citaanzi mulizi, bala pindamuna cintu kucibamba kubeelela beni. Elyo mpawo eci cimwi cimbi caba elyo ula njizya cintucimwi cimbi, nkaambo ngu sicikolo mupati mupampu wakazwa ku Harvard kumwi, na cintucimwi. Elyo cintu citaanzi, bala talika kunjizya *eci*, a kugwisya *Eci*, a kwaamba kuti *Eci* ta caambi *eco* a *eco*. Wa jokela moonya mu cigodi nciconya cakaindi alubo. Iiyi.

¹⁰⁷ Ikuti na Amosi wali waano, inga na bwekela cintu cigaminina kutozya aansi. Ta kayaka miswaangano yakwe yanguzu aakuvula kwa mambungano nga kali kukonzya kubamba kubeleka a ngewe. Na takayaka mbungano yakwe aa kabunga kamwi na tubeela tumwi twabukmbi twa mbungano. I cintu nca kalino cita, nkuyaka miswaangani yakwe yanguzu ali MBUBOOBU MBWAAMBA I MWAMI. Leza na kamugwasilizya mbuli Mbwa kacita lyoonse, kutondezya kuli uli luleme. Wa kati, “Ndeelyo penzi. Nkooko kulibiliika a lupyopyongano mu mbungano yanu.”

¹⁰⁸ Ino na amba nzi sunu? Ino na amba nzi ku Ijwi lya Leza likilo awa kumbele lyesu? Timoteo Wabili 3, awo Mpo lyakati, “Bayooba basikainya, balisumpula, basimuyanda musaaloo kwiinda basimuyanda Leza; bajaya zipangano, basikutamikizya bubeji, batakkutili, basampaula abo basola kupona kabotu; bala ciwa cabukombi, pele bayo kaka nguzu zya mbubo.” Muyeeya kuti musinsimi ulakonzya kubuka aa cilawo a kweengulula cisinsime eco?

¹⁰⁹ Uya kwaamba, “Ca zulizigwa mu meso anu buzubaobuno,” obo mbungano mboiya kuba ya tulengwa, a obo zintu nzobaya kucita. Inga na—inga na ka mwiibalusya ayo Majwi aa Leza. Inga na kamwiibalusya eco Leza nca kaamba kuti Uyo cita mu

buzuba obuno, ikuti na Amosi nakabuka aa cilawo. Kutali biyo eco, pele Leza na katondezya, kwiinda kuli Amosi, eco Nca kasyomezya kucita mu buzuba obuno. Ncamasimpe. Inga nacita. Wa kacicita mu buzuba obo. Wa kacicita lyoonse. Ncamasimpe.

Ni twa taka mutambula Amosi ikuti na wakabuka aa cilawo.

¹¹⁰ Lino, buti, “Eco ciwa cabukombi,” kwiimikila alya mu-mu kkwaya, a—a kuzunguluka koonse, makkwaya asamikidwe zikobela zilamfu zipati, a—a kwiimba mbuli Baangelo; a kuzyana, busiku butobel, mbuli madaimona. Mbo mbubo. Mwabona? Obo mbwini ncobeni. Bamwi bala yutuka kaba samide, zikobela zilamfu zipati, ziboneka kabotu loko mbuli boobo, a kuboneka mbuli musyobo umwi wa Cilenge cabaangelo; a kwiimikila alya a kukaka Ijwi, mbuli muuya umwi mubi mbounga wacita. “Kuba ciwa cabukombi, pele inga bayo kaka nguzu zya mbubo.” Koya, kwaambaula makani a lubbizyo lwa Muuya Uusalala, balo, baa, inga wa—inga wakutanda kuzwa mu mbungano. Mwabona? Nkaambonzi? We elede kucita. Pele baya kwiima mu mambungano aya a kulekela zizo zyabo, mu kaanda kaansi, kulinyonanyona a kuzyana cizyano cakuliyumba buniini.

¹¹¹ Alimwi zyesu zitegwa Y.M.C.A., Nda libuzya eco C nciminina. Kweenda muli mbabo, to konzyi akwalo kumvwa cintu cita Zina lya Mwami u-... Sa ako nkakamu Katukidwe ka Baalumi Bakibusyi?

¹¹² Nda kakkla, calinolilo, mu hotela, kwakali atala kuzwa ku Y.W.C.A. Alimwi lyakali sampu kubona basimbi baniini okuya aa cibuye, mane kutandila naini okuloko, kusola kutyola maulo abo, mukucita kulinyonanyona. Mbo mbubo. Alimwi boonse babo, mamembala aa mbungano, baimba mu makkwaya, a kuyiisya kwiiya kwa Munsondo. Taakwe cita dyabulosi, kuyiisya bana baniini okuya aa cibuye, a ciyanza eco cakabambwa, citegwa bukombi. Ncamasimpe. Ii musinsimi wakasimpe naka bwekela cintu eco anguzu kujokela moonya mu busi bwa gehena nko cakatalikila. Ncamasimpe ncobeni.

¹¹³ Muyeeya kuti Amosi nakakonzya kwiima a cibumbili a kukambauka Makanimabotu, a kulanga ku cikama ca banakazi bakageledwe masusu a kuta citapatila? Muyeeya kuti nata kabalulula Isaya 5, a Bakoorinto Bataanzi 14? Alimwi, oh, sa nata—sa nata katila ali ceeco? [Mbunga yaamba, “Ameni.”—Mul.] Ncamasimpe. Na kacita. Kweenda kuselemuka tugwagwa a kubona banakazi kaba samide zikobela ezi ziniini, boneka mbuli baalumi, zijata maningi cakuti lukanda luli aanze, kutandila; kabaya buselemuka, akulinyonnyona, kulibbwayaula, kweenda mbuli boobo, kabali cokolacola beni ambali, elyo muyeeya kuti muntu wa Leza inga nata kaima mu cikambaukilo a kubwekela cintu eco anguzu? (“Ameni.”) Kakuli, ta caambwi kanji kuzwa—kuzwa ku cikamaukilo. Alimwi eco cili

mu mambungano aa Pentekoste, amwalo. Mbo mbubo ncobeni. Nicata kabamba lwandaano kuli Amosi. Uh-huh. Bamwi... Na kaba umwi wakalino caamba. Ta taka yoowa, nkaambo wa kali nanikidwe aa Mwami. Alimwi ikuti na wa kajisi MBUBOOBU MBWAAMBA I MWAMI, ni lyakaba Ijwi lya Mwami.

¹¹⁴ Wa kasika ku Samaria, kutali kukubona bweebesi bwabo, kukubala tubunga na twakali tongaye, a kuvula myeelwe njoba kajisi.

¹¹⁵ Mbuli Mbwe kaamba busiku bumwi, kuboneka kuba, sunu, kuti mbungano yoonse iyakidwe atala, a cintu cipati aakati ka bakwesu sunu, ba mambungano, ngu, “myeelwe, myeelwe,” umwi usola kucita kabotu kwiinda umwi umbi. “Myeelwe!” Leza tabali myeelwe. Walo ubala ciimo. Ciimo nce cintu Leza ncayandaula kujana, muntuumwi Ngwa konzya kujata a maanza Akwe, muntuumwi uya kwiima nji kwaciindi cikubwene.

¹¹⁶ Mbuli mbo twaamba, “Kusala! Mwaka oonse, twa kajisi kusala *kunji loko*.” Ayo *mabwe*, “kulyaambilila.” Alimwi ino bbwe ligwasya nzi na talikwe mubezi wamabwe ujisi Ijwi lya Leza libosya, ku kumugwama kuba mwana wa Leza, na mwana musimbi wa Leza, a kumubikka mu Mbungano omo mwa zulilwa? Kupumbulisywa mabwe taku kayaki buyake. We elede kwafala akwaapanga mu ciimo cimwi.

¹¹⁷ Tu yandikana baalumi sunu, baalumi bananikidwe, mbuli Amosi mbwa kabede, abo banga batenda inyika kuzwa ku mwanakazi oyo akumupanga kuba mwana musimbi wa Leza, kutenda inyika eyo kuzwa ku mwaalumi. Katalanganya na basyomesi mbangaye banga bamutanda, na kufumbwa cintu cimbi, inga waima ali MBUBOOBU MBWAAMBA I MWAMI. Iiyi.

¹¹⁸ Ni twa taka mutambula Amosi, Nse yeeyi, mbuli boobu. Ino myeeya nzi Amosi ncanga wacita cindi anjila mu mbungano ya Pentekoste iya sunu, itaminina kusololelwaa Muuya Uusalala, elyo mpawo kubona eco cintu nciconya mu mbungano ya Pentekoste eyo itaminina kusololelwaa Muuya Uusalala? [Mbunga yaamba, “Ameni.”—Mul.] Nda libuzya. Lino inga twaambaula makani aba Baptisti, aba Methodisti, aba Lutherani, pele, cindi caboola ku mulyango wesu wini watombe, mpawo ino kujatikizya ceeco? [“Ameni.”] Kazwa ku Ijwi lya Leza! Cintucimwi cakalubila, kumwi. Mbo mbubo ncobeni. Inzya. Bala boola a kucita zintu ezi zyoonse zyandeene, a kutaminina kusololelwaa Muuya, kuzyana mu Muuya, ziindizimwi akwalo kukanana mu myaambo.

¹¹⁹ Nda syoma mu kwaamba mu myaambo. Nda syoma mu kuzyana mu Muuya. Ndi syoma mu koongolola. Pele kuli kunji kuunka a kooko. Mbo mbubo. Mula cita zintu ezyo zyoonse, a kukaka Ijwi, nkokuti kuli cintucimwi cilubide kumwi, kajana

muuya uutaluzi. Uh-huh. Leza tasololeli bantu Bakwe mu zintu zili boobo, nekuba. Peepe. Ta citi.

¹²⁰ Ndi yeeya kuti nciindi citandila ncobeni ku kubonekela kwa parti, Parti imbi ya Boston Tea, mbuli kwaamba. I mbungano iyandikana imwi. Iya ndikana kusalazya kwini kubotu.

¹²¹ Cindi, Joan wa Arc, mu mazuba akainda, mbungano ya Katolika ya kaimpya kuziba kuti wakali musalali cindi na kali kupona, nkaambo wa kabona zilengaano, kalikukonzya kupandulula ziloto, mwanakazi wakazwide Muuya. Elyo Leza waka belesya mulindu muniini. Alimwi bakali kuyeeya kuti waa kali mulozi. Alimwi baka kamuumpa aa cijailo cakwe, mbuli mulozi. Nywebo mulizi obo. I bapaizi ba Katolika bakacita ceeco beni. Myaanda ya myaka yakainda, nkabela baka jana kuti waa kali musalali. Mpawo, cindi nibakali kuyo mwaamba camulao kuti wakali musalali, ba kacita kulilekelela. Aboobo bafumbula mibili eyo ya bapaizi akwiisowela mu mulonga kukucita kulilekelela. Nywebo mwabona, caka indilila nconzyo nkabela baakakilwa ku cibona. Ba kacita citandila ku cintu ncionya ku Musalali Patrick a bamwi babo boonse.

¹²² Ta cigambyi Jesu wakati, "Mula botya a kutubya tubanda twa basinsimi, kakuli ndiywe mwaka babikka omuya." Mbo mbubo. Neo tu yandikana sunu ngu Amosi uyo josya Ijwi lyu Mwami kuli ndiswe. Lulacita ncobeni.

¹²³ Lino, kutaminina kwesu a zintu ta zyaambi cintu citakuti Muuya wa Leza nkouli kukwiiminina kutaminina kwesu. Ikuti na maumi esu taendelani a kutaminina kwesu, nkokuti kuli cintucimwi cilubide.

¹²⁴ Joan wa Arc waka sololela France ku lucinco lupati. Ba kali kuyandikana lucinco lupati. Nce ncico ncobeni ncoba kacita. Ba kali kuyandikana lucincolupati, nkabela waa kaisololela. Pele kumane lucinco lupati, oko bulubizi nkobwa kacitwa, ba kayandikana lucinco lupati lwa kuzundikizya ku kululamika—ku kuluamika eco ncoba kali kupapila.

¹²⁵ Nda ambakuti mbungano ya Pentekoste ncintu cili munsi-loko Nce zyi ku Bbaibbele sunu. Ikuti ni yatali obo, ni Ndali muli imbi. Mbo mbubo. Ni ndatali liimvwi awa kusowa ciindi cangu, kukanana ku bantu ba Pentekoste, ikuti ni Nda tali kuyeeya kuti kwakali bulangizi. Mbubo. Pentekoste ili luleme. Pele cindi twa yandikana Pentekoste kuba antoowe a kumwaya tunsiyansiya twesu, mpawo tu yandikana lucinco lupati lwa kuzundikizya. Tu yandikana kuboola kuzundikizya; Ndi jisi...kutali kutaminia kwa Pentekoste, pele kuboola kwakusalazya Pentekoste.

¹²⁶ Leza ulasalala. Abo baponena kuli Nguwe beeledge kupona kabasalala. Walo ngu Leza uusalala. I Bbaibbele lyakati, "Kakutakwe busalali, kwiina muntu uya kubona Mwami." Obo mbwini. Buumi Bwakwe bulasalala. Alimwi ikuti na Buumi

Bwakwe buli muli nduwe, bakubamba kuba uusalala. Ka butako, toka boni Mwami. Alimwi amulange nkoya budilikila.

¹²⁷ Tuli cintucimwi mbuli Israyeli mboya kabede mu mazuba ayo, nekuba. Israyeli yakayeeya kuti, nkaambo bakali kuya busumpuka, zintuzyonse zyakali kuya bweenda kabotu. Ba kajisi bbelekelaamwi, mu mazuba abo, a minzi imbi. Alimwi baka jisi bbelekelaamwi. I mfulumende yakajisi bbelekelaamwi a bakutausi, a bapaizi, a basinsimi. Alimwi bakali kuyeeya kuti kwakali kabotu. Alimwi bakali kuyeeya kuti kwakali kubotelezya nconzyo kuli Leza. Pele baka jisi mulombwana muniini wakabuka a kubajosya alubo. Mbo mbubo.

¹²⁸ Nkambo buyo kakuti bakasumpuka, mpaawo mpo bakalubizya. Lusumpoko tacili citondezyo ca cilongezyo ca kumuuya. Mbo mbubo. Kutali boobo aniini. Lusumpuko, ziindizimwi, ncifumpuzyo.

¹²⁹ Nyewe mulayeeya eco Mwami nca kaamba kujatikizya Israyeli na? "Cindi nimwakali baniini, cindi nimwa takali cintu, cindi nimwa kalala mu bulowa bwanu bwini mu muunda, taakwe umwi waku mupukuta, Nda ka munjizya. Mpawo mwaka Ndi belekela. Pele cindi nimwa kakomena loko mane mwa kayeeya kuli kwakali kabotu a kulikwabilila lwanu, mpawo mwaka Ndi siya." Ba kacita eco lyoonse.

¹³⁰ Uziya, mbuli Mbwe kakanana ku kalimbabula ka Bantu Basimakwebo, wa kali muntu mulemu. Wa kali jatilide ku Mwami. Pele buzuba bumwi Leza naka mana kumululamika... Elyo wa kali mukozyanyo mupati kuli Isaya musinsimi. Pele nakamana kuba muyumu, a kuyakwa, masi akatalika ku myooowa. Wa kayaka malambo akwe a katalika kuna zintu zya bwuebesi. Wa kaba syamumvwazyakwe. Wa katalika kulanga mbwa kali mulemu. Elyo mpawo wa kasola kubweza busena bwa mukambausi. Elyo Leza waka muumya cinsenda, nkabela wakafwa kali sicinsenda. Mwabona? Ta tuyandi kulisumpula, mu myoyo yesu.

¹³¹ Alimwi ziindizimwi, eelyo twa bona tubunga twesu katu zwidilila, tu talika kwaamba kuti, "Tuli nkamu mpati. Tuli nkamu ya Pentekoste mpati inda iliko. Tuli jisi kunji kwinda bamwi babo." Na, "To konzyi kuyaku Julu, citakuti uzulilwa ku nkamu yesu," na cintucimwi. Cindi mwaba munzila eyo, mula pambula lwanu kuzwa ku Ijwi lya Mwami. Mbubo. Amuyeeye, ngubo nimpati kweelede kukuvumba munyoko. Mbo mbubo ncobeni. Ko munjizya.

¹³² Oh, obo mbo tuyandikana, sunu, kwiita kwa kujokela ku Ijwi lya Mwami. Amulange, sunu. Alimwi cisi cesu ciyandikana kwiita kwa kujokela.

¹³³ Njo kanana, bumwi bwa masiku aya, ikuti na Nda konzya, Ndi yanda... Ndi jisi kupa mulandu. Nde elede kulindila mane Nka bikke bakambausi boonse antoomwe. Inzya. Ndi yanda

kuyopa mulandu ku nzyalani eyi ku Bulowa bwa Jesu Kristo, a ku citondezya kuli ndinywe. Mwabona? Lino, Inga antela, ndasika kumwi ku kucita ceeco. Pele tuyu cita, tula bona ikuti na inga twaba a kalimbabula cifumo cimwi, ka bakutausi buyo. Alimwi Ndi—Ndi yanda ku, Mwami kundi gwasya, ku tondezya nconzyo oko nko—oko nko tuyu, ku nzila ilubide. Twe elede kupilukila. Kuli nzila imbi pele amupilukile. Mbubo.

¹³⁴ Amulange cisu cesu sunu. Amulange nco tusola kucita, cintu nciconya caka citika mu bukkalo bwa musinze, kukamantanya mbungano a cisi antoomwe.

¹³⁵ Amulange kukamantana, lukamantano, na i—i Kkanso Yanyika ya Mambungano. Oonse mambungano anjila mu Kkanso Yanyika ya Mambungano, a kuyeeya kuti obu mbumwi bwa Leza. Nkaambo, oonse mambungano, United Brethren, baalumi ba mambungano ambaaka, kunjila muli aka kabunga komwe kapati ncobeni. Oko nku kaambo kakubula kuziba Ijwi ly a Leza. I musinsimi wa kaamba kuti eco cintu ciya kucitika, “Bayo panga cinkozya ku cinyama, nkabela ciyooba a nguzu zya kukanana.”

¹³⁶ Oh, myeeya kuti Amosi nakonzya kwiiima ku cikambaukilo sunumasiku anselelo awa, ikuti na wali mu Phoenix, a kukakilwa koompolweda cintu eco? Sa inga tee kwaba kuti wa tulwisya, bakwesu, pele inga wa lwisya ciyanza eco citu kwela kuzwa ku Ijwi. Eco nencico ncanga wa cita. “Mbobuti baalumi abo mbo bakonzya kweenda antoomwe?” I Bbaibbele ly kaamba awa, mukati awa, Amosi. I Mwami wakati, “Baambile bantu, ‘Mbobuti bobilo mbo bakonzya kweenda antoomwe, kakutakwe kuzuminana?’”

¹³⁷ Lino, mbobuti mbo tuyu kubweza inkamu zyesu zya Pentekoste a kunjila mu Kkanso Yanyika ya Mambungano, kakuli cisela cabu omuya, banji kwinda cisela, peseenti ili makumi alilusele aosanwe na makumi alifuka aosanwe, akwalo kukaka kuzyalwa kwa nakalindu? Bala kaka. Nda yeeyela, peseenti yabo bakaka ili makumi alifuka, bala kaka kuponesegwa kwa Buleza. bala kaka milazyo ya Bbaibbele. Bala kaka kwaambaula mu myaambo. Biyo nkamu ya Pentekoste ilikke nji bweza eco. Elyo mbobuti mbo tuyu kulikamantanya lwesu ambabo mu bumwi? Mbobuti mbo tuyu kuba bomwe a mbabo? Mbobuti mbo tuyu kweenda ambabo kakutakwe kuzuminana ambabo? Mbobuti mboya kucicita? Muya kweelela kukaka buzumini bwanu bwa buvangeli obo mbo mujisi, milazyo iini ya Bbaibbele, ku kweenda a mbabo.

¹³⁸ Nda mwaambila, Leza wiita bagame. Ula kwita, mbuli mugame, ku kukala a Ijwi Lyakwe a kukkala a Nguwe.

¹³⁹ Mbobuti Leza mbwa konzya kweenda a mbabo, kakuli buzumini bwabo beni bwabukombi, bwakapangwa aa busongo bwabo bwanyika, bukaka Ijwi Lyakwe? Kakuli buzumini

bwabukombi butambula njiisyo ya nkamu ya bantu, antoomwe, a kukaka Ijwi mukuba booboo, mpawo mutanda Leza kuzwa kuli ndinywe. Leza ulasalala. Alimwi Leza, Bbaibbele lilati, Ula mamela Ijwi Lyakwe, ku ku Li simpikizya. Alimwi mbobuti Mbwa konzya kusimpikizya Ijwi, kakuli IJwi taliko? [Mbunga yaamba, “Ameni.”—Mul.] Ako nke kaambo nco tujisi mamembala mubusena bwa bana. Ako, tu jisi buzumini bwabukombi. Elyo oonse inga . . .

¹⁴⁰ I inyika iyandaula muntu ugambya mupampu. Ba belekela . . . Ba langila cintucimwi cikonzya kubaleka kujatilila ku kulibanda kwabo kwa Bunakristo a kupona nzila ili yoonse njo bayanda. I banakazi bayanda kulilemeka mbuli Hollywood nkabela kaba caamba kuti bajisi Muuya Uusalala. I bakambausi bayanda kuyaka mbungano mpati kwinda akucita zintu ezi zyoonse, a kuba a bamadaikona baka kwata ziindi zinji. Elyo—elyo bala konzya kucita zintu ezi ziniini a kusama zisani *ezyo*, ba ciita kuti bulubusi bwa banakazi.

¹⁴¹ Muyeeya kuti Amosi inga waima zii kuli ceeco? Peepe. Nincobeni inga tacita. Muyeeya kuti Amosi inga waima zii, a kuswaana tubunga twa zyuuno zinji a mabbishopo kutala okuya, a kuti “Bakwesu, Ndi yeeya kuti twa kacita cintu cipati.”

¹⁴² Inga wati, “Nywebo no cikama ca bazangi! Nywebo basikucenggezya! Nywebo basikukaka Lusyomo!” Inga waamba cintu nciconya eco Mikaya nca kaamba, obo buzuba kumbele lyu basinsimi ba Hebrayo basikulibanda bali myaanda yone.

¹⁴³ Ba kati, “Mu mweelwe, makamu mbwabede, elyo kuli bukwabilizi.” Ciya awo mpo yanda kubikka ceeco ku Lugwalo.

¹⁴⁴ Inga ndaamba, “Judasi wakaunka akulyangilila mujulu mwini; nkabela koya kacite cintu nciconya.” Ta cibeleki awo.

¹⁴⁵ Alimwi ta cibeleki, awo, “Mu makamu a basikulaya kuli bukwabilizi.” I mbungano ya Katolika ili kujisi koonse kwanu mpawo.

¹⁴⁶ Mu Ijwi lya Leza kuli bukwabilizi. I Bbaibbele lyakati, “I Zina lya Mwami ni ngazi njumu. I balulami bala cijila muli njiyo nkabela bali kwabiliidwe.” Elyo nke kasena biyo kakwabilidwe Nke ndizyo. I basinsimi bakasyoma booboo lyoonse. Cindi Abrahamu nakafwa, cindi . . . Cindi Jobu nakafwa, wa kalibikka mwini mu nyika ya cisymezyo, cuumbwe cakwe.

¹⁴⁷ Cindi Abrahamu nakafwa, wa kaula kabeela ka nyika moonya munsi lya busena mbubonya, kwiinda kuli Jobu. Ino wa kacita nzi? Wa kalangilila musinsimi oyo. Wa kalizi kuti oyo wa kali muntu wa Leza, nkabela wa kati, “Ndi lizi Munununi wangu ulapona, nkabela ku mazuba akumamanino Uya kwima aa nyika. Nekubakuti tuuka twa lukanda twa nyonyoona mubili oyu, nekubaboo mubili wangu Uyo bona Leza.” Inzya. Elyo Abrahamu wakalizi obo. Wa kazikka Sara

okuya. Wa kaula kabeela ka nyika, a kuzikka... Walo, mwini, wa kazikkilwa okuya.

¹⁴⁸ Izaka, cindi na kafwa, wa kajosegwa a kuzikkilwa okuya. Izaka wakazyala Jakobo.

¹⁴⁹ Elyo Jakobo wakafwida kulaale mu Egepita. Pele kataninga kufwa, wa kaita musinsimi wakwe mwana, Josefa. Elyo wa kalizi kuti wa kali musinsimi, simuuya, kapandulula ziloto, a kubona zilengaano, wakali luleme kabotu ciindi coonse. Wa kati, “boola okuno, Josefa, musinsimi wangu mwana. Bikka janza lyako aa kasolo aka kuteeti Leza singuzuyoонse waka ndiguma myaka yakainda, a kucinca zina lyangu kuzwa kuli ‘silweeno’ kuba ‘sibwami kuli Leza.’ bikka maanza ako atala awa a kukonkezya kuli Leza kuteeti tokandi zikkili kumusanza okuno mu Egepita.” Nkaambonzi? Nkaambonzi? Ino cibamba lwandaano nzi?

¹⁵⁰ Nce ncico neco baamba sunu, “Ino cibamba lwandaano nzi?” Tu bweza cikama ca bantu, kuba njizya mu mbungano, a kuzwa ku tugwagwa. Ziindizimwi nywebo mu mubamba kobilo loko kuba mwana wa gehena kwiinda na kali mu kagwagwa. Mbo mbubo. Kula bamba lwandaano.

¹⁵¹ Josefa, cindi nakafwa, wa kamba, kuti, “Buzubabumwi Mwami Leza uyomuswaya.” Wa kali musinsimi. Wa kati, “I Mwami Leza uyo muswaya. Elyo muta kasiyi mafuwa angu kumusanza okuno, pele amu kaatole mu nyika ya cisyomezyo.” Nkaambonzi? Wa kalizi kuti Kabalwebalwe ka bubuke kayo yutukila mu nyika ya cisyomezyo. Obo mbombubo.

¹⁵² Jesu, cindi Na kafwa, a kubuka cifumu ca Pasika, Bbaibbele lya kaamba, kuti, “Banji basalali abo bakali koona mu bulongo bakabuka, a kuzwa mu zyuumbwa a kubonekela ku banji.” Ino wakali ni? Abrahamu, Izaka, Jakobo, Josefa. Nkaambonzi? Ba kali mu busena bululeme.

¹⁵³ Nke kaambo Nda caamba kuti cibamba lwandaano. Ta mweelede buyo kundi zikkila awa muli imwi ya Methodisti, Baptisti, na imwi mbungano. Amundi zikkile muli Jesu, “Nkambo balo bali muli Kristo Leza uyo Mu letelezya cindi Aku boola.” Elyo cibamba lwandaano. Ncamasimpe, ci lacita.

Uta lekeli muntuumwi ku kwaambila kuti, “Nkaambo wasangana mbungano.”

¹⁵⁴ Amosi nata kaima zii kuli ceeco. Na kati, “I Leza nguonya ngo mwaamba kuti mula belekela...”

¹⁵⁵ Inga ndaamba ceeci mu Zina lya Mwami: I Leza nguonya cisi ngo ciyeeyelwa kwiminina uyo nyonyoona cisi eci. Uyo nyonyoona mambungano aya. I Leza waku Julu uyo tuma ansi bukali Bwakwe mu lubeta a kunyonyoona mambungano aya, ategwa mambungano. Amuyeeye, amu bweze majwi angu.

¹⁵⁶ Takukwe umwi ukonzya kusangana Mbungano. Usanga cisangabalilo. To sangani Mbungano. Ula zyalwa mu Mbungano.

Mwabona? Usangana cisangabalilo ca Methodisti, cisangabalilo ca Baptisti, cisangabalilo ca Katolika, cisangabalilo ca Pentekoste. Pele ula zyalwa mu Mbungano ya Leza mumi; alimwi eyo Nja boolela, eyo Mbungano. Aboobo, tuli jisi zisangabalilo, kutali Mambungano. Kufumbwa cintu cilakonzya kubungana mu cisangabalilo eco, basikuupaupa a zintuzyonse zimbi. Pele Nda muzibya ceeci ndyoonya lino, kweendelana ku Ijwi, takukwe sikuupaupa omwe mu Mbungano ya Leza mumi. Kwiina cintu Omuya pele basalali.

¹⁵⁷ Lino, bumembala inga bwa kunjizya. Alimwi muyeeya—muyeeya kuti Amosi inga ta bwekela eco angu? Inga na zungaanya cintu eco ku ntalisyo yaco. Inga na cita ncobeni.

¹⁵⁸ Amulange. Cindi Israyeli niyakali mu lweendo lwayo, kuya mu nyika ya cisyomezyo, kaisololelwaa Muuya Uusalala, Musumpululu wa Mulilo kumbele lyabo, Mwaala wakaumwa kaubatobelaa.

¹⁵⁹ Elyo mpaawo kwakasika Moabu, oyo wakali munyina. Amuyeye, wa kali cibeela ca Israyeli, awalo. Wa kali cibeela, mbuli kuzwa ku mukowa oyo wa Cijuda, nkaambo wakali mwana wa Lota kumwana wakwe musimbi. Waa kazyala Moabu.

¹⁶⁰ Elyo amulange Balamu, mupaizi, wakayutuka okuya a kupanga cipaililo, katuula musyobo nguonya wa zituuzyo, caku mbaakanii buyo mbuli mbwa kali kukonzya. Mwabona? Elyo wa kali antoomwe a simpuwo. Wa kajisi mwaami. Wa kali jisi baalumi boonse balemu, basibwami, a bazibe, kabaimvwi a nguwe.

¹⁶¹ Pele kwakali Umwi wakaimvwi a Musa oyo ngwa taka bwene. Ngo Nguwe wakaimvwi a Amosi. Ngo Nguwe uyo ima a muntu woonse uli waano, sunumasiku, uyo iminina Leza a bululami. Takukwe makani kuvula kwa bami banguzu zinji, basimamonakki baliko, tacikwe cintu comwe cakucita a ncico. Taba kakonzyi kusinganya eco Leza nca kalongezya. Nkaambonzi? Ni Mbuto iipona. Ndi IJwi lya Leza. Liyo komena mu bulondosi Bwalyo. Oh, zitondezyo zya Leza mumi mu cilabba! Nke, boneka mbuli kuti Israyeli yaka cita cilubide kunselelo okuya. Pele baakkilwa kubona Mwaala wakaumwa, a Mulungo oyo kaubambilaa Israyeli. Alimwi kwakali koongolola kwa Mwaami mu cilabba. Leza wakali a mbabo. Nkaambonzi? Wa kali kuponya balwazi, a kucita maleele mapati, a zitondezyo a zigambyo, a Musumpululu wa Mulilo kaulengelela atala lyabo. Musa wakali kutobela Musumpululu wa Mulilo. I bana ba Israyeli bakali kutobela Musa. Elyo bakali mu lweendo lwabo kuya ku nyika ya cisyomezyo, alimwi kwiina cintu cakali kuyo balesya. Ameni.

¹⁶² Oh, sa inga tii caba citete kuloolola sunu, ikuti na Leza wakonzya kujana muntuumwi mu janza Lyakwe, mu

bweendelezi Bwakwe? Oyo Musumpululu wa Mulilo ucipona. Walo ucili mbobuca nguwenya, sunu, amuya myaaka. I Ijwi licipona.

¹⁶³ Leza, kotu tumina Amosi uya . . . uya kwiiminina Bwini a ciluleme, kuzungaanya zintu ezi.

¹⁶⁴ Nywebo mwati, “Sa swebo inga . . . Ino mbulumbu nzi mbo muyeeya kuti waba abo?”

¹⁶⁵ Ee, na kajana bulumbu, mane inga na kaita abo boonse Leza mbakasalidekale kuti bakaitwe. Abo mbe mbabo mbakalino jana. “Boonse Taata mbaka Ndi pa bayo boola.” Iiyi.

¹⁶⁶ Mikaya wakali kumbele lya Ahabu, alimwi Ahabu waka musulaika. Yoonse nkamu ya bakutausi yakali kumulwana. Elyo boonse bakali nanikidwe, abalo, pele bunanike bwabo tee bwakeendelana a Ijwi. Nda yeeyela, ndiza, Amosi wadunka eco cintu nciconya.

¹⁶⁷ Cindi bapaizi niba keenda okuya aa kagwagwa, kati, “Lino, lindila aniini. Nkokuli—nkokuli . . . Ndi tondezye zyeelelo zyako. Nku cikolo nzi nkoka zwida? Nku muzukulu nzi nkoka zwida? Sa uli ii . . . Nguni waka kubamba kuba mupaizi?”

Na kati, “Leza wakandi bamba kuba umwi.”

“Nku cikolo nzi nkoka zwida?”

¹⁶⁸ “Jehova Leza. Ndi jisi MBUBOOBU MBWAAMBA I MWAMI.” Bayo muswiilila? Nee ncobeni. Teeba kali kuyanda kumvwa mutnu oyo. Nee ncobeni. Teeba kalai kuyanda . . .

¹⁶⁹ Elyo, nekuba, walo mwaalumi na kaamba kuti, “Ndili nanikidwe. Ee, Ndi zulilwa ku mbungano mpati ya Bafarisi okuno. Amulange obo Leza mbwa katu longezya. Twa kabikka zipaililo zya ngolide mukati. Twa kabikka matempele mukati. Twa kacita zintu ezi zyoonse. Elyo, oh, mulumbe wesu wa missionari mupati kwiinda amwi mambungano kwiinda moonse mu Judaya. Ee, tula cita zintu ezi zyoonse *okuno*. Bantu besu basikupa kwakkumi balemu, a koonse oko.” Pele nekuba Mikaya na . . .

¹⁷⁰ Amosi wakaima alya akuti, “I Leza oyo ngo mutaminina kuti mula belekela uyo munyonyoona.” Elyo caka citika munzila eyo.

¹⁷¹ Lino, Nse sampaولي mabambe aa missionari pe. Nse sampaولي mambungano mapati pe. Pele, penzi lya ndilyo nkuti, bantu babikka meso abo ali ceeco, alimwi ali . . . kuzwa ku Ijwi. Elyo, kumalekelo, umusololela kuleya nconzyo kunjila mu cintu eco nkabela muli jana kutezeleka. Amujokele ncobeni ku Ijwi. Muta Li tantamuki. Oh, obo mbo tuyanda kulila, kuzwa mu nkanda sunu. Ncamasimpe ncobeni lino. Ncamasimpe.

¹⁷² Twaambo tumbi, bantu balabuzyabuzya. Ba yanda kubuzyabuzya. Eco nce cintu citaanzi caka jana . . . Eco nca sweesya luswaanana lwa mukowa wabantu, ncindi Saatani na

kazibya bubambe bwa kubuzyabuzya ku Ijwi mukuba booboo. Alimwi cakali kulimvwisya kabotu loko.

¹⁷³ Atu bweze buyo Saatani, eco nca kali wamba kuli Eva, cindi Leza naka kwabilizyka mukati ku Ijwi Lyakwe.

¹⁷⁴ Eco nce cintu cilikke Leza nca kasola kupa bantu Bakwe kuba kwabilila kuzwa kuli sinkondo, lyakali Ijwi. Ta katupa buzumin bwabukombi. Ta katupa cintu cita Ijwi Lyakwe. Kwa mana. Alimwi Leza mupatikampatila, ujisinguzuzyonse, uutakwebucince. Ta konzyi kucica. Bubambe bwakwe butaanzi buli londokede. Ta keelede ku bucincia.

¹⁷⁵ Kusala kwakwe kutaanzi, cindi muntu nakabisya a kuzubuka oyo mugelo mupati akati ka nguwe a Leza, kakutakwe kuli siila nzila ya kujoka, Leza, uwzide luse a luzyalo, wakatambula ciiminina. Citabiyo Leza oyo uwzide luse a luzyalo ngwa kakonzya kucita cintu mbuli ceeco. Wa katambula ciiminina, nkabelo eco ciiminina bwakali bulowa. obo mbo busena bulikke oyo muntu mbwa kakonzya kusola kunjila mu luswaanano a Leza alubo, nkuunsi lya bulowa bwakatilwa. Alimwi taku nabede ciindi cimwi oyo muntu naka konzya kuba mu luswaanano a Leza, citabiyo ku bulowa. Alimwi obo mbwini loko, oko nkwa swaanana a Leza.

¹⁷⁶ Lino, Eva wakalekela ansi micinjili. Eva waka talika kubuzyabuzya. Saatani wakaamba mbuli boobu, “Lino, uli... Yebo tozi. Tona jana kwiiya kumwi pe. Ndili mwiyi mupati waku seminari abusena awa.” Cakwe mwini. “Alimwi, Nda kwaambila, twa kaiya zintu zimwi kubusena okuya. Twa kaiya kuti Leza uli kabotu kapati! Twa kaiya mu seminari yesu kuti Leza uli kabotu kapati! Ta langili kuti kocita koonse Nkwa kalemba okuya. Ta langili booboo.”

“Inzya, pele,” waa kati, “Mwami Leza wakaamba.”

¹⁷⁷ Lino, nekunga waa kabamba kuba mukambausi uli kabotu, ikuti na kakkala ali Ceeco. Ako nke kaambo ula tapatilwa kuba umwi sunu. Mwabona? Amu mutantamune kuli ncico. Ino Amosi na kaamba makani nzi kuli ceeco? Ni Nda konzya kumumvwa kwa maminiti osanwe, a kurekkoda mulumbe wakwe. Ne ubikka nconzyo aa teepu, akulekela inyika yoonse kuumvwa. Uh-huh. Mpawo Nda konzya kuumuna kujatikizya nguwo, kuzwida waawo. Amubone. Iiyi, munene, na ka citapatila.

¹⁷⁸ Alimwi amubone eco nca kaamba. Lino, Saatani wakati... Lino, ta kakonzya kucita ceeco kuli Eva, nywebo mulizi...

¹⁷⁹ Wa kakonzya kucita ceeco kuli Adamu, pele wa kacicita kuli Eva. Aboobo wa kaambila Eva, lino, “Lino yebo ulizi eci.” Wa kati, “Yebo ulizi, ncobeni Leza uli kabotu kapati cakuta kucisa. Leza... Yebo ncobeni tokafwi. Yebo ulizi kuti Ngu Leza uli kabotu.”

¹⁸⁰ Tula mvwa kunji kwa ceecho sunu. Ngu Leza uli kabotu. Pele, kutegwa abe uuli kabotu, We elede kuba ululeme, awalo. Eco ci Mu bamba kuba uli kabotu. Tali umwi uutakwe matomeno. Ngu Leza.

¹⁸¹ Elyo lino, "Leza uli kabotu kapati kucita ceecho kuli nduwe." Elyo wa katalika, kati, "Baa, uyooba musongo. Uyooba a lwiiyo. Uyooba mucenjezu a musongo. Uyo—uyo ziba zintu nzotazyi lino." Mwabona?

¹⁸² Waa keelede kuziba biyo cintu comwe, elyo lyakali Ijwi. Ta tweeede kuba Bbaccela ya Arti, a Ph.D., a LL.D., a zyoonse zintu ezi zimbi. Kuziba buyo Ijwi lya Leza. I mwana mubombe maningi, ukonzya kubala, konzya kuczibba, kuziba.

¹⁸³ Pele, kaambo, alimwi ncinzi nco bakajana? Ncinzi nco bakajana? Mpoonya awo bakamwaya. Elyo Saatani wa kaziba kuti wakazunda mukowa wabantu mpoonya awo. Alimwi mpe mpawo mpa kabazunda kuzwida eelyo.

¹⁸⁴ Ako nke kaambo Amosi wakasika. Nkaambo, busimpupo a miyeeyo yampuwo, a muleli, na mwaami mubotu, alimwi wakaleta lusumpuko. I bantu bayo sambala maumi abo nkambo ka musinza wa bunyangu, mbuli Esau. Nse soli kunyonganya, pele Ndi sola kubamba bwini.

¹⁸⁵ Nywebo noba Demokratisi mwaka sambala bupati bwanu bwakuzyalwa kaindi loko. Mbo mbubo. Alimwi Nseli muna Repablikani. Ndili Munakristo. Pele, mukwesu, ino ndisampu! Alimwi kacita kubweza muncina wabumpelenge kwi vootela kuba mbuli boobo. Pele nce ncico America nciya kali kuyanda. Ba ka citambula. Ula mupa eco nco tuyanda kanji.

¹⁸⁶ Leza, ndipe Ijwi Lyako. Eelyo Nde yanda. "Andi sise Ijwi Lyako mu moyo wangu, Mwami, kutegwa Nta Ku bisizyi."

¹⁸⁷ Oh, kaambo kambi. Pele, mwabona, Amosi taka konzya kubuzyabuzya, nkaambo wa kali musinsimi. I Ijwi lyakasika kuli nguwe. Peepe.

¹⁸⁸ Mbubonya mbuli Ijwi sunu, mweelede ku Li pandulula, amulekele Muuya Uusalala ku Li pandulula kwiinda muku Li simpikizya mu buumi bwanu.

¹⁸⁹ Nce ncico nca kaamba, cintu, nywebo mulizi, Jeremiya wakaamba kuli i—ku musinsimi Hanania. Wa kati, "Cindi oyo musinsimi akanana, a ceecho ncaamba cayubununwa, mpawo basinsimi bakaziba kuti wa kali luleme."

¹⁹⁰ Ikuti na Amosi wali waano, ino tuyeyya nzi ncali nocita? Inga na—inga na kkala a Ijwi. Eco ncali nocita. Nywebo mulizi cintu na? Inga na twaambila kuti twa kayiisigwa kuleya ku ntalisyo ya Ijwi ntaanzi lya Leza. Inga na twaambila kuti tulii kule maningi kwa ku Mbungano ntaanzi ya pentekoste. Nce ncico Nca lino twaambila swebo toba Pentekoste. Kwaamba, "Lino, baka lijisi kutandila myaka ili makumi osanwe

kulibamba lwanu kuba mu giya, nkabela tamuna boola okuya.” Oh, ino ncinzi ncali wambila bube bwakabungwe? Ee, oh, ikuti natapa eco, ikuti nata zapaula mambungano, nkambo kakutalilemeka kwabo kubotu, nkambo ka kuzumina buzumini bwabukombo, kusangana mbungano mubusena bwa kuzyalwa muli njiyo!

¹⁹¹ Ee, ikuti na wazyalwa muli njiyo, mukwesu, mucizi, ula lilemeka bwandeene. Uyo—uyo kkala a Ijwi. Ikuti na Muuya Uusalala uli muli nduwe, Walo ulya biyo Ijwi. Jesu wakati, “Muntu taka poneni ku cinkwa cilikke, pele ku Ijwi lyoonse,” kutali cibeela ca Ijwi, “pele Ijwi lyoonse lizwa ku mulomo wa Leza.”

¹⁹² Walo, mukuba musinsimi, na kabona cintu eci muli ndiswe. Ca... Amosi wakali musinsimi.

¹⁹³ Lino Ndila jala, mu miniti, pele Ndi yanda kubamba makani aya kuti ajate ikuti na Nda konzya. Ndila caamba, alimwi Muuya Uusalal weelede kucibamba kujata. Ndi yanda kumu buzya cintucimwi.

¹⁹⁴ Ikuti na Amosi wasika awa sunumasiku a kwiima a cibumbili eci, ikuti na weenda kutanta a kuselemuka tugwagwa twa Phoenix, inga wa tubona sunu, mu makani esu aacisi, mu inyika esu yabukombi, na bona cintu nciconya nca kabona mu Samaria: yaka pedwe cakumanina ku bwaamu, tantamukide kuzwa ku Ijwi lya Leza. Inga nabona nkamu njionya ya bukombi. Ba kali, umwi aumwi wabo, ba Israyeli. Pele na bona ii—ii bwaamu, kutalilemeka kabotu. Inga na bona—inga na bona kubija kwa micito abuleya akati ka bantu. Inga na bona kubija kwa micito akati, aa cisi. Inga na bona kubija kwa micito kuzwa ku Ijwi. Inga na bona mamambi mu mbungano. Ta ndaambi... Inzya, kobilo; kunyama, alimwi inga wabona mamambi aakumuuya. Nzila mbo balino wambaula zya buzumini bwabukombi bwa muntu awa, mbuli buzumini bwabukombi bwa muntu, a kubutambula mubusena bwa Ijwi, oko kucita mamambi akumuuya kuli Leza. Ciyubunuzyo 17 yaamba boobo, kuti balo, oyu sikuvuula, wakacita cibi, nkaambo, “A zisesemyo zyakwe waa bamba nyika kunywa waini wa bukali bwakwe.” Iiyi. Tula cibona kuti inga caandaana kumaninina. Inga na kubona, kubjia kwa micito.

¹⁹⁵ Amosi taka tongookela mfulumende, nekuba. Amuswiilile. Amosi taka tongookela mfulumende, mu koonse kwa Lugwalo lwakwe. Pele wa katongookela bantu nkambo kakusala mfulumende ili boobo. Oh, Nda konzya...

¹⁹⁶ Sena mwa katala? [Mbunga yaamba, “Peepe.”—Mul.] Ee, amu lindile buyo aniini. Mwabona?

¹⁹⁷ Muta tongookeli mfulumende yanu. I mfulumende taikonzyi kuyaka ng’anda aa mwaala kakuli bantu bavootela musenga. I bantu bala iyanda.

¹⁹⁸ Alimwi ziindi zinji Ndi laamba zintu aa cikambaukilo, cindi Ne zyi kuti bakwesu bali kkede alya, bakutausi, baalumi babotu. Nda ambaula kuli mbabo, kuba bikka mu kkona. Alimwi mbulizi bwangu, mukuziba zintu ezi, kwaambila bakwesu. Alimwi Nda ambaula kuli mbabo. Ba lati, "Mukwesu Branham, tu lizi kuti uliluzi, pele mbungano yangu inga yazwa." Mwabona? Mwabona? Nceeco nco yanda. [Kabeela katakwe cintu aa teepu—Mul.] Mwabona? To konzyi. Balo mbantu.

¹⁹⁹ Lino, ikuti na uyeeya kuti Nda konzya katalika buyake awa aa kagwagwa a kusambala, balindu sunu, bubambe obo bwakaindi, mabbusu atutambo, malamfu ku tusindi? Antela inga bajana zikutu zinji muli ngawo kwiinda—kwiinda cintoolo coonse cizwide mbo ejisi sunu, obilo. Pele ikuti na Nda sambala ku masenti ali makumi osanwe kuli obilo, inga Nda fwa nzala. Nkaambonzi? Ta mwa yandi.

²⁰⁰ Ikuti na Nda sambala eyo yabubambe bwakaindi, misinsi ya Bamaama Hubbardi ku banakazi sunu, muyeeya inga bayuula? Nee ncobeni. Ba yanda cintucimwi ncoba konzya kulitila beni, eyo iboneka mbuli lukanda lwa soseggi. Ba—ba yanda buyo bajisi maningi. Kabeenda kuselemuka kagwagwa, kutandila mantaamo zyone na zyosanwe zyandeene, kuli sekkasekka, kulisekkununa, a kulilanga kusule ku mabbusu atusindi tulamfu, mitwe yabo kainongomene. Nke, Ta ndaambi eco ku kudana. Obu tabuli busena bwa kudana. Pele obo mbwini. Nse jisi lwiiyo lubotu. Eyo nje nzila Nje konzya kubamba majwi angu, mulizi, mulizi eco Nce wambaula. Mwabona? Lino, obo mbwini. Inga tee baula madresi ayo.

²⁰¹ I busiku bumwi aa cibumbili, mwanakazi muniini muna India wakasika atala. Nda kali kuyanda kusukana janza lyakwe liniini. Kutala ku mbungano ya Mukwesu Groomer, na kufumbwa oko. Waa kasamide dresi mbuli bamaama ndyoba kali kusama. Nda kayeeya, "Ee, longezegwe moyo wako, omulindu." Alimwi Mwami waka muponya mpoonya alya, kataninga akwalo kusika kuli ndime. Waa... Mwabona? Nda kayeeye, "Nci—Nci—Nci botu ndaumuna zii." Mwabona? "Kolindila buyo mane ku ciindi cisale casika, ciindicimwi." Mwabona? Elyo nceeco mbo cakabede.

²⁰² Ee, inga tokonzya kusambala madresi ayo. Inga waasambala kumuna India, pesi kutali ku banji loko babo. Baya buli leka buyo mbuli bamwi babo. Mu jisi kunji kwa mabambe a matelevizhioni maningi. Elyo bana banu baya buleya, alimwi bamwi aba basyaasunu, bamakuwa, bamaiyi ba zikolo baboola, zyoonse ezi zimbi zyabufuba. Yebo ncibotu wazwa, wa kali kaindi eelyo mbuli Silumamba muna [American Indian—Mul.] bali mbo bakabede, kwa ciindi cilamfu cakainda.

²⁰³ Mu Africa, cindi ni twa kajisi mukowa wabantu basiya, ino bacita nzi? Kamuya okuya, balo bamamissionari, bala bala,

balalemba, a bazi zyampalo. Cindi wa... Baa, ba, ba lizi kunji kujatikizya zyamicito, mu mikowa yabo, kwiinda mbo mu lyoonse, Bunakristo ku konzya lyonse kuleta kuli mbabo. Mbo mbubo. Ikuti na umwi wa banakazi abo okuya, ikuti na uli mu mukowa waba Zulu, ikuti na walindila kusika ku musela umwi kukwatwa, elyo tacita, muntu umwi taka mukola kuba mukaintu, weeleda kuzwa okuya. Ta cili simukowa. Peepe, munene. Elyo cindi akwatwa, ula solekwa ku busimbi bwakwe. Elyo ikuti na waa janwa mulandu, weeleda kwaamba mwaalumi wa kacicita, nkabela bobili bala jaigwa, antoomwe.

²⁰⁴ Inga kwaba kujaigwa kunji okuno ikuti na twa kajisi bubambe bwa musyobo oyo. Ta muyeyyi obo na? Mbo mbubo. Infa tii bajana basikubamba mitunta bakubwene ku kuzikka baalumi a banakazi. Ncamasimpe. “Pele muli fwida, nekuba, elyo tamu cizyi.” Aboobo nde penzyi lyaco. Mwabona? Pele lino, kunji, mbo mbubo.

²⁰⁵ Mpawo mucita nzi? Bala batola okuya a kubaiisya mu cikolo. Mpawo mula bajana mu tugwagwa. Bali jisi zibi zyabo zyamikowa, nzo baka jisi; a kuboola, kutola zibi zya bamakuwa; elyo mpawo balaba kunji ku ziindi zili kkumi bana ba gehena kwiinda mbo bakabede kumatalikilo. I cintu biyo nco bayandikana ngu Kristo, kukkala awo mbobabede. Yaa.

²⁰⁶ Eyo nje nzila kuba India bana America. Umwi Ngwe fwida nsoni, mu cisi eci, ngoyo muna India. Masimpe waka jisi caabilo cibi kuzwa kuli ncico! Ta ndili... Ndili muntu buyo umwi, pele Nda baiminina. Iiyi, munene. Ikuti na Mwami wasola kundi josya ku masena aamilimo, kulanganya mbuli boobu, a mulumbe wangu wamana; Wa ndilekela kupona ciindi cimbi, Ndiya kuli bama India. Iiyi, munene. Iiyi, Munene. Ma!

²⁰⁷ Tula boona eco Amosi ncanga wacita cindi nakaita kuzwa. Ciyanza cesu coonse inga catapatilwa. Nee ncobeni...

²⁰⁸ I mfulumende tai konzyi kuyaka (kwaamba kwangu kwakali obo) atala lya mwaala, kakuli cisi ca ka vootela musenga.

²⁰⁹ Mbobuti mboya kuyaka mbungano yanu atala lya Mwaala? Mbobuti mukambausi mbwaya kusola kwiima ku cikambaukilo a kukambauka Mwaala, a kwiyaka atala lya mbaakanzi zya Makanimabotu aazwide, kakuli bbunga lyakwe, bantu bamwi okuya, bala konzya kumutanda? Lino, Ndi tongookela mukambausi mukutaba a camba, a Muuya wa Leza, ku kujala mulyango, kwaamba, “Amujane muntuumwi umbi uya kwiiminina zintu ezyo kutali ndime.” Nda—Nda botelwa mukambausi unga wacita ceeco.

²¹⁰ Pele maawe ku mbunga eyo cindi muntu uunanikidwe iwa Leza asola kubaleta ku Ijwi, elyo mpawo taba keendeleni a Ndilyo. Mbo mbubo. Mbobuti mbaya kuba a mbungano ijisi zyonse zipego zili fuka kazibeleka muli njiyo, azimwi zimbi, elyo mpawo, balo a ceeco, ankabela mbungano tai akwalo—akwalo

kupona mbuli kabotu mbo kweelede akulilemeka kabotu, tai bakaiyi ma ABC abo aa Makanimabotu? Mpawo kwaamba, “Ikuti Ne jisi mukambausi uli kabotu!” Baa, mbu tongo bwako. Mbo mbubo.

²¹¹ Bwalo mbu tongo bwa cisi, bana America besu, kuti twa kaboola kookuno ku lwaangululo lwa bukombi. Kuzwa kunzi? Elyo twa jokela nconzyo, a kubikka mu bantu besu cintu nciconya nco twaka boolela okuno ku kwaanguluka kuli ncico.

²¹² Eci cisi koonse cili mbuli Israyeli. Ba, Israyeli, bakasika mu Palestine, baka tanda basikkala a kwiitola nyika. I lutaanzi, ba kajisi baalumi bamwi bakali kabotu—kabotu, ku kubalela. Ba kajisi Davida, a Solomoni, a baalumi balemu. Kumalekelo, kwiinde kaindi, baka zumanana kuvoota kunjizya, a kusungilizya, a kusala kunjizya, kusikila baka jana Ahabu kumusanza okuya, oyo waakwata muhedeni. Lino, Ahabu wakali mulombwana wakali kabotu loko. Wakwe... Oh, wa—wa kali kuyanda kucita ciluleme, pele tako konzya kucita ciluleme, nkambo ka mwanakazi wakwe oyo.

²¹³ Lino, Nse lwani mwaalumi oyo Ngweli kukanana kutandila maminiti masyoonto ainda. Inga kali muntu uli kabotu. Pele eco nciyanza ca muvuule oyo kunze lyakwe, eco cinyona nsingo yakwe. Eco nce cintu ciya kucicita. Kaboola cabutete buyo mbuli mbwa konzya, mbuli boobo, a kumwaya cintu coonse.

²¹⁴ Sena mwakalizi kuti tuli—tuli lino... Cikwelete cesu ca cisi ncipati maningi, kusikila tu bbadelela ku mali aakulomba, kuzwa ku mitelo njo tuyu kujana myaka ili kkumi ayone kuzwa sunu. Ino neinzi ciya kicitika cindi bubambe obo bwakukakilwa?

²¹⁵ Castro, masimpe, Nda mulwana. Muna komunisti. Yaa. Nda mulwana. Pele wa kacita cintu cibotu cindi na kacinca musyobo wamali a kujosya ngolide, kaleta mabbondi a kujosya ngolide.

²¹⁶ Tuya kucicita eco, nape kuli cintu cimwi cinematikidwe ku busyu bwesu, nko kuti, eyo mbungano ya Katolika nji jisi lubono lwa inyika. Ili jisi mali. Ili jisi ngolide, ya kuula mabbondi esu kujokela. Obo mbombubo. Elyo muyeya kuti aba basambazi ba mawisiki, a basambazi batombwe, a bantu balemu iba cisi taba kasambali, kukasya kusweekelwa makwebo abo oonse a kupanga imali akukkopela? Bayo jokela nconzyo a kubweza mali ayo kuzwa ku mbungano ya Katolika, elyo mpawo ya sambala. Ncibotu. Sena Bbaibbele teelya kaamba kumbele kuti, “I lubono lwa inyika”? Nseli situnzenyu, naanka muntu musongo, pele Ndi lumba Mwami kuti Ndili Mu zyi. Elyo mbo mbubo. Mpaawo mpaya kukkala, mpoonya alya. Amu cilangisye. Amu langisye a kubona ikuti na ta ciluleme. Buyo... Ndi syoma kuti tuyo pona kuyo cibona, alimwi Ta ndi yeeyi kuti tuyo pona kwa ciindi cilamfu.

²¹⁷ Pele mbobuti mbo muya kucita? Mbobuti mbo muya kuyaka mbungano? Mbobuti mbo muya kuyaka cisi? Mbobuti mbo tuyu kaaka cisi ali ceeci lino? Ino tuyu kucita nzi kujatikizya ncico?

²¹⁸ Ndiza ncibotu Ndi jale, akuunka kubusenabumwi bumbi. Pele, nywebo mulizi, Nda amba kunji kusikila mwaziba eco Nce kanana. Mwabona? Nywebo mulizi eco Nce pandulula.

²¹⁹ Amulange cintu nco tuyanda. Nywebo, mwabona ncintu nco muyanda na? Nee ncico ncomu jana. Oko nkuyandisya kwanu.

²²⁰ Amulange mabambe esu a matelevizhioni sunu, atabambululwi. Kwakali kuba, akali mabi ku bana besu, tee twakali kubalekela kuselemukila mu i—i dolopo a kubona mabbaisikopo, i—i zipekupeku. Pele lino dyabolosi wacinyona eco nconzyo a—a ku cibamba kuba televizhioni, a ku cibikka mu ng’anda yoonse.

²²¹ Alimwi eco inga caba kabotu, televizhioni ili kabotu, ikuti na ujisi cintu ciluleme ali njijo. Nincobeni, mbocibede.

²²² Pele ncinzi nco cita? Iya bubola maningi ku oora, kubelesya zina lya Leza, kukonka, kusinganya, banakazi bazinswe, micito yabwaamu, eco cijaya mizeezo ya bana aba, mane twa komezya cikama ca bakubusyi bakaka nzila iluleme, mbo mbubo, zigebenga. Bwalo mbwini ncobeni. Inga anywebo mwa cilanga.

²²³ Cisi cecu coonse casanduka kuba cikama ca zigebenga. Kufumbwa mulombe uleenda koonse a kabbamba kakwe kakayuna ku tusolo twa, a mutwe kuucebukide, a masusu akwe kalengelela kusika ku nsingo yakwe mbuli kugele kwa masusu aelene koonse aku mutwe bwa Muka. Kennedy, a kwiinka koonse mbuli booboo, mbuli cigebinga, elyo mpawo kwiita oyo kuti muna America? Mwawa kuzw ku luzyalo. Amweempwe a kunyonena kuli Leza, nape uyo loba. Ako nkekambo, tu—tu yanda kubikka muntuumwi omu uya kutulekela kucita kufumbwa nco tuyanda. Mbo mbubo.

²²⁴ Eyo nje nzila ku mambungano. Ba yanda kusala kuunjizya mweembeli, kutali mweembeli uya kwiima awo a kuumputa Makanimabotu kuli mbabo. Ba yanda muntuumwi uya kubalekela kuli landamuna mu nsuuti zya kusambya, a kusobana njuka mu kaanda kaansi, a kupona buumi buli boonse mbo bayanda, mabambe aa matelevizhioni atabambulwidwe aa tupepele, anunka abusofwi, kusangana mbungano a inyika antoomwe.

²²⁵ Ta cigambyi Amosi na koompolola kulwana zintu ezyo. Muyeyea kuti bantu niba mutambula kakuli ni bavootela kunjizya cintu nconzyo?

²²⁶ Ikuti na mweembeli wakambauka kwiindilizya maminiti ali makumi obilo, bboodi ya basyomesi ila mwiitila mu kaanda a kwaamba kuti, “Langisywa awa, mweembeli. Tii—tii twa kakuleta

okuno kucita cintucimwi mbuli ceeco. Tu jisi bubambe bwa maminti ali makumi obilo. Bwa maana obo, ilekele yuunke."

²²⁷ Icintu nca yandikana kucita nkutanda cikama eco ca basyomesi kuzwa ku mulyango a kubweza Bbaibbele a kukambauka busiku boonse, mbui Paulo mbwa kacita, a kubona bubuke bwa bafu. Mbubonya. Bala mugusya mu buyake; kkona lya kagwagwa lili kabotu. "Leza ula konzya ku mabwe aya..."

²²⁸ Televizhioni, zipekupeku zita bambulwidwe, zyatombé, zisofwi, nkabela kucitya mukozyanyo. Amulange bana besu baniini sunu. Amulange basimbi besu. Amubone bantu baniini kabazwa ku cikolo, bataindi ku myakaili cisambomwe yakukomena, ciloba, lusele, kabayasya misanga yatombwe. Nkaambonzi cili obo? Bamanyina antela bakacicita kumbele lyabo. Ikuti na teeba kacicita, nkokuti mbana bamwi mbe banjilana abo. Langa oyo bana bako ngo basobana limwi. Mbubo. Okuno bumwi...

²²⁹ Ciindi cimwi cainda, mukaintu uli cizyi, tw kali kkede ku tafule. Elyo Joseph wangu muniini wa kaasamuka bbala lyakali kunga lyabamba simaato kuusansoní kuli lwakwe. Nda kacebuka. Nda kati, "Ncinzi eco?" Elyo banyina basi wizuke. I muntu muniini wakaboneka kubula kaambo.

²³⁰ Wa kati, "Ino ndi penzi nzi, taata?" A misozi mipati mu meso akwe.

²³¹ Nda kati, "Muta kasoli kwaamba cintu mbuli eco." Ta kazi cintu mbo cakabede. Kuboola kujana kuti, bana ku cikolo bableesyá eelyo bbala bbi. Nda kati, "Oyandwa, eco nca dyabulosi."

²³² Mwabona, mbaabo we, bana banu. Ca kanjila buyo mu busena, mukwesu, mane caba buyo mubwa kulya mubwa, cidyobedyobe cili boobo ca zibi. Oh, ma! Mabambe aa matelevizhioni, basikuyanda zibi, basikuyanda misaalo! Oh, ma!

²³³ "Maminiti ali makumi obilo ncindi cikubwene. Nde elede kuya kukubona cipekupeku cimuka." Mwabona? "Kobinda ugusye eci awa. Nde elede kucicita." Mwabona? Ba cita bukombi bwabo. Ba kaselemukila okuya, nkabela oko nkunji.

²³⁴ Pele, Nda mwaambila, muntu na mwanakazi wini wakazyalwa ku Muuya wa Leza uyo kkala oora a oora, kunywa Ijwi lya Leza. Kutali obo biyo, pele cindi cauma alya, cila jata a kucinca buumi. Ameni. Iiyi.

²³⁵ Kwalo nkuyandisya kwa myoyo yesu. Bubambe bwesu boonse buli nyongene a kubola. Nceco bantu ncoba yanda.

²³⁶ Wa bweza muntu uli kabotu, waamba, mbuli muntu uli kabotu, ku mubikka mu mukwasyi wa cikama ca basikuyanda misaalo, bayo sololela oyo muntu ku buumi bwa babwa; na, mwanakazi uli kabotu, nanka umwi, kuba bikka mu mukwasyi

oyo unyongene. Baa, mukwasyi woonse weelete kulipa kuli Leza. Walo mulimo wesi wa kupaila, mane bana besu ba futulwa, kubamba ng'anda zyesu mu ncililano. Inzya.

²³⁷ Tuli mbuli Israyeli mboya kacita, abo bakapanga bbelekelaamwi a basinkondo nyina. Lutaanzi, ba kacita kutantamuka Ijwi kabatana konzya kucita ceeeo. Elyo citondezya buyo obo kulaale America mboya tantamuka ku Ijwi.

²³⁸ Nywebo mulizi, nywebo—nywebo mweelede kukaka kasimpe kamutana ku konzya kusyoma bubeji. Mbo mbubo. Obo mbombubo. Eva waka saanguna kukaka Ijwi lya Leza kataninga ku konzya kubweza bubeji bwa Saatani. Ba kali zwide ku Ijwi kaindi, mbubonya lino, kulekela Rome kweendelezya kakutakwe kudubula ntobolo. Taba zyi Ijwi lya Leza lijatikizya zintu ezi. Eelyo ndepenzi lyaco mbo libede.

²³⁹ Tu yandikana kubuka kwa musinsimi wakasimpe, ku tujosya ku Ijwi. Mbo mbubo. Twa kasyomezegwa omwe. Twa syomezegwa ceeeo. Iiyi, incobeni. Malaki wakati uyooba. “Elyo uyo boozya Lusyomo lwa bantu kujoka ku matata aa pentekoste alubo.”

²⁴⁰ Amosi wakalizi kuti basikuyanda misaalo mibi iba Israyeli bayo munyonyoona. Lino andaambe eci a lulemeko. Mbubonya musyomi mbwacita sunu mbwazi kuti inyika, aba basikuyanda misaalo mibi ya America, bayo munyonyoona. Luyandisyo lwanu lwa tunzenyu! Nda lekela buyo eco kujata aniini. Eco ciyo nyonyoona cisi. A luyandisyo lwanu ku inyika, kuta komena a Ijwi a kusola kucita eco ciluleme, kuyo nyonyoona mbungano. Obo mbombubo neobeni. Ndi yeeya kuti camvugwa. I mbungano yaka Mu siya, kasiya Ijwi Lyakwe lya Buumi. I inyika yoонse yalembwa kuli njiyo, mbuli cilebyo. Bala cita cintu nciconya asunu. Iiyi. Ikuti na Amosi waliwo ano, inga na woompolweda ciyanza coonse.

²⁴¹ Lino, mukujala, Ndi yanda kwamba ceecei, mu kampango 8. Amuswilile kabotu. Wa kati, “Cindi mulavu avuluma, nguni cita kukonzya kuyoowa cindi mulavu avuluma?”

²⁴² En Nda kabavwima balavu. I mulavu mwaami wa banyama. Mu Africa Nda kalala omuya mu lukula olo, ciindi camasiku, kunsi lya bwizu obo bunii, na zyakali nsoke.

²⁴³ Ii mulavu ulasoka moonya mu busyu bwa ntobolo ilimu kudubula. Ta yoowi eyo pe, pele ta kainki munsi lya maamvwa. Mwa kamvwa kaano kansiku. Pele, obo mbwini, mulavu takainki munsi lya maamvwa. Ba yaka twaanda twa maamvwa mbuli boobo, nkabela mulavu taka kasotoki. Kunzelyaboobo, ula konzya kusika, kunjila nconzyo.

²⁴⁴ Billy a Mebo. Nda yeeya katu lede okuya busiku bumwi, elyo kumvwa mulomo wakwe mupati wakale kausondela sondela kuzunguluka, oko nkulaale kuzwa ku mutwe wangu,

mwabona, pele ta—ta kasika munsi. Cisumba cakwe cipati cakale, kutandila mbuli *obo*, kazunguluka aa bbuwa.

²⁴⁵ Elyo ulakonzya kumvwa zintuzyonse kuzwida kuli basuntwe, basuntwe baseka, basuntwe balila, nkabela—nkabela—nkabela bala kwiila. Elyo—elyo ulamvwa basokwe, baceta, a—a ndyaboluba, a bazovu abalo kaba ccwema a “whii.” Ula konzya kubamvwa kwa mamaile. Elyo tuuka a zyuuka zipati zya misyobo yoonse kaba panga coongo. Pele mulavu avulume buyo kulaale, noziba zyuuka zipati zila leka kulila. Zila swiilila. Nkaambonzi? Walo mwaami wazyo. Zila swiilila kuli nguwe.

²⁴⁶ I Bbaibbele lyakati, “Cindi Leza . . . Cindi mulavu avuluma, nguni uta kayoowi? Alimwi cindi Leza akanana, mbobuti mbo tukonzya kuleka kusinsima?” Mbobuti mbo tukonzya ku butantamuka? Cindi Leza akanana, musinsimi woompolola Ijwi lyakaambwa. Alimwi ikuti Ndi Ijwi lya Leza . . .

²⁴⁷ Alimwi mulavu avuluma; zyuuka zipati, zintuzyonse, zilaumuzya, nkaambo zya yoowa. Mwaami wabo—wabo—wabo ula—ula kanana. Zili jisi i—i gano likubwene, camba, a kulemekaka kukubwene, ku kulemekaka mwaami wabo cindi nakanana.

²⁴⁸ Aboobo, Leza akanan kwiinda ku Ijwi Lyakwe, aku lekela cilenge coonse ca bulenge Bwakwe kupakamana. Ula kanana mu mazuba ayaa akumamanino. Wa bikka Ijwi Lyakwe. Akulekela cilenge coonse cizulilwa mu Bwami Bwakwe kupakamana kuli ceeco Nca amba. Kwiima. Kulingula. Ula vulumalino, kuvuluma kwiinda ku Ijwi Lyakwe lyaka simpikizigwa. Ula liyubulula Mwini. Cindi Na vulumalino mu mazuba ayaa akumamanino, atu pakamane, a kuziba kuti kuli cintucimwi cilafwi kucitika, mukuziba kuti Leza taciti eco kakutakwe kusaanguna Walo kuvuluma. Cindi A vulumalino, mpawo cintucimwi citobelaka kuvuluma oko, iifyi, nkaambo Ula boola mpawo.

²⁴⁹ Wa kati, “Sa ii—ii . . . Sa mulavu ula vulumalino kakutakwe kaambo? Sena mulavu muniini ulalila, kuzwa mu mpangala, ka taninga jata cintu cimwi?” Mwabona?

²⁵⁰ Leza uli jisi kaambo ka kuvuluma, nkaambo Walo ulizi kuti lubeta lwa swena. Alimwi, IJwi Lyakwe, Ijwi lyakwe walo musinsimi. Mbwa bede. “Eci ncisinsime ca Jesu Kristo.” Calo nciyubunuzyo, Leza kalyubununa Mwini kuli ndiswe kwiinda mu Ijwi Lyakwe lilembedwe. Elyo Walo ndi Ijwi. Elyo, lino, *eli* ndi Ijwi Lyakwe. Taakwe cikonzya kuyungizigwa kuli Ndilyo na kugwisigwa kuli Ndilyo, pele Lye elede kuponwa a kululamikwa nzila buyo mbo Li bede. Ta tukwe camba, kugwisya cili conse kuzwa kuli Ndilyo na kuyungizya cili conse kuli Ndilyo. Leza ucili Leza. Uli mukuvuluma.

²⁵¹ Wa kaamba, “Mbuli mbo cakabede ku mazuba akwa Nowa, aboobo mbo ciyooba ku kuboola kwa Mwana wa muntu. Ba kali kulya, kunywa, kukwata, kupa mu lukwatano, katalilemeka kabotu.”

²⁵² “Elyo mbuli mbo cakabede ku mazuba akwa Lota,” Wa kasika Mwini mu mubili wabantu, akuli simpikizya Mwini mukuba okuya kuli Abrahamu. Kati, “Mbubonya mbo kuyooba ku kuboola kwa Mwana wa muntu.” Amulangilile zintu ezi. I Mimuni yaku mangolezya ilamweka.

²⁵³ Oh, ikuti ni twa jisi Amosi aa cilawo sunu, ku mulekela kuvuluma, inga wa mwayaula ziyanza zyesu a tunsiyansiya twesu, nkabela Ijwi lya Leza liyo tanta cakuzunda.

Atu kombe.

²⁵⁴ Taata Wakujulu, kanana alubo. Ko vulumu, Mwami, kubelesya Muuya Uusalala. Ngo Musinsimi wa oora. Ngo Musinsimi wa buzuba, kasola kujana nzila Yakwe mu myoyo ya baalumi a banakazi, kutegwa Aka nane Kasimpe. Ndili kkomene loko Uli mukujana bamwi. Nda komba, Taata Wakujulu, kuti Ula jana banji omun sunumasiku, kuti inga Wa belesya muntu umwi oyo ulibambilide kuba uubateme. Cindi bamvwa kuvuluma kwa Leza Singuzuzyonse kuyabuya kwiinda ku Ijwi Lyakwe, lubeta lulaafwi.

²⁵⁵ Cindi mulavu avuluma, ula boola. Cilenge acimwi—acimwi cilizi kuti ncibotu cayuba, nkaambo mwaami uya bweenda kunembo.

²⁵⁶ Leza, tu jisi biyo cilao comwe cakukwabililwa, cindi Mwaami wa bami avuluma, obo Mbulowa bwa Jesu Kristo. Tuli jisi cilao cakukwabililwa. Nda komba, Taata Wakujulu, kuti Ula kanana ku myoyo sunumasiku. A kuba lekela kuziba kuti bapona mu zimvule zya Kuboola kwa Kristo, cindi masi nali mukumwaika, a zintu kaziyabuya, mbuli mbo zibede. Elyo, nekubaboo, mu luse Lwako luubauba . . .

²⁵⁷ Twa kabisya maningi, kuboneka kuti Wa futata sule Lyako kuzwa kuli ndiswe, a kutu lekela kuunka. Pele, nekuba, mbuli Mbo kabede okuya mu Edeni, Ula bamba nzila yaku lobokela. Wa kabamba nzila yaku lobokela kuli Nowa. Wa kabamba yomwe ya Musa, a ya Daniele, bana Bahebrayo. Ula, Ula zumanana kubamba nzila. A baabo ba Ijana, beendela mu Mumuni wa Leza a kuba a Buumi. Abo ba Ikaka, bala pegwa milandu a kusowegwa.

²⁵⁸ Nda komba, Taata Wakujulu, kuti kutakabi wa baabo bali omuno sunumasiku, bayo sowegwa. Akube cabubotu bamvwe kuvuluma kwa Leza, Muuya Uusalala kau kanana kunsi lya myoyo yabo, a kwaamba kuti, “Oyu Ndime. Muta yoowi. Nde Ndime.” Nkambo twa cilomba mu Žina lya Jesu. Ameni.

²⁵⁹ Ndiyo kasya ku lwiito lwaku cipaililo kutandila maminiti ali kkumi. Nda muka anii. Pele Nda syoma Billy wavozya makkadi aamipailo masiku masyoonto aindu, na cintucimwi cimbi, kutala kuli ya Mukwesu Groomer. Alimwi Ndi yeeya wa kaba vozya busiku bwainda. Nse kaba tumina. Ta ndi . . . Ndi yeeyela kuti waba vozya alubo sunumasiku. Ta ndizi naa wa cita

na pe, pele atwiite amwi makkadi ayo. Sa Mukwesu Groomer nkwalii? Groomer? Peepe, peepe. Groomer. Sena nkwalii? Mpaali mpo twa katalikila? Katalika kuzwa mweelwe...Sa twa katalikila kuzwa ku mweelwe wani, atala awo?

²⁶⁰ Busiku bwainda, tee twa kajisi makkadi aampailo. Swebo...I Muuya Uusalala wa keenda buyo kwinda mu bbunga a kwiita bantu. Mula ciyanda eco? [Mbunga yaamba, "Ameni."—Mul.] Nda cita, ambebo. Alimwi kukambauka canguzu mbuli bobu, kuti ndiza Nda lengaala aniini ali nkuko.

²⁶¹ Nda—Nda vozya bantu makkadi aampailo, Ndili sinikizidwe kupailila muntu oyo. Kwa mana. Ikuti na ta tujisi kutwelukwa kumwi, oko kuli kabotu. Pele Ndili sinikizidwe kupailila muntu oyo. Mwana wangu ula vozya kkadi ly a mipailo, Nde—Nde elede kupailila muntu oyo. Kwa mana. Aboobo, Ndili—ndili mvwa booboo. Nda cicita, Leza kandi gwasilizya. Eelyo Nkena kuzwa mu cisi okuno, Nda—Nda cita eco.

²⁶² Lino, ta tuko tola ciindi cilamfu. Atu bone, twa katalikila kuli wani kusika ku twenti faivi, Nda syoma mbo kwaabede, busiku bwainda. Inzya, wani kusikila ku twenti faivi. Ndi... Mukwesu Groomer, sa mpoli? Mukwesu Groomer? Nse lyaambi kabotu elyo. Pele Ndi yeeya kuti kuli kabotu. Wani...

²⁶³ Ee, atu talikile abusena bumwi bumbi sunumasiku. Atu talike, atu talikile kuzwa ku seveinte faivi, mpawo, kusika ku mwaanda omwe. Nguni uujisi kkadi namba seveinte faivi, tambika janza lyako. Atu bone ikuti...Ee, kuli kabotu. Kwa bota. Ncibotu, boola atala awa, omulindu. Seveinte faivi, seveinte foo, seveinte...seveinte faivi buyo. Lino seveinte sikisi, seveinte seveni, seveinte eiti, seveinte naini, eite, eite wani, eite tuu, eite thrii, eite foo, eite faivi, eite sikisi, eite seveni, eite eiti, mane ku mwaanda omwe. Amu baleke baboole okuno. Ulikuli Billy Paul? Mundi jatile. Yaa. Sika, selemukila okuya. Ba maasha bamu gwasye mane kwasikwa mu mundando wa mipailo.

²⁶⁴ Lino, bamwi banu, amulange kuli ndime aniini buyo. Inzya. Sena mula Mu yanda? [Mbunga yaamba, "Ameni."—Mul.] Atwi imbe cabubotu, cabubauba buyo, aniini buyo, kuciindi nobamwi ba maasha bakwesu nomu selemukila okuya. Oh, nda mulumba. Ba asisya, kuselelo okuya, aboobo ba...Aboobo mindando tiiko sangana. Ndi yanda kupailila bantu aba. Mpawo, juunza, antela tuyo pailila balwazi mbubonya buyo, a kuyabuya a kuyabuya, mane muswaangano wabaiminizi watalika. Elyo Ndi...

²⁶⁵ Ndiza Mukwesu Roberts ujisi mundando wa mipailo kutala okuya, awalo kutala ku i—ku busena. Ndali kuyeeya kuti ndiza bobilo besu inga twaba a omwe antomwe, omwe ku lubazu lomwe, alimwi omwe ku lubazu lumbi. Pele Nse—Nse zyi naa inga wa ciyanda eco na pe. Nse na ambaula kuli nguwe,

alimwi ncibotu Nda saanguna kwaambaula kuli nguwe, nywebo mwabona. Mukwesu Oral walo mukwesu ili kabotu, mulanda wini wa Leza. Alimwi inga walibombya kapati kucicita, pele Ndi baanga ndabijilwa kuli waala lwangu omuya a muntu mbuli oyo, nywebo mwabona. Aboobo ndiza ncibotu Nda cileka buyo cilikke. Ee, ikuti na ndaambila, ikuti na ndilomba, "Mukwesu Branham, boola undigwasye," Inga—Inga ndabotelwa kucita ceeco. Pele, lino, walo mubombe a mukwesu mubotu loko. Alimwi ikuti na wa ndilomba kucicita, Mebo, mubwini, Inga ndacicita. Pele inga Nda yanda kuti wandi lomba, kusaanguna, nywebo mwabona. Ncibotu taambi cintu kujatikizya ncico. Muta caambi kuli nguwe, ino. Amu—amu muleke buyo andilombe, mpawo Ndila ziba kuti kuli kabotu. Mwabona?

²⁶⁶ Pele lino—lino tula bona. Mbangaye babweza . . . Ee, lino, atu bone. Ali ongaye makkadi amipailo ali mu buyake? Atu bone maanza anu. Oh, kuli akubwene masyoonto ambi, ndiza ainda ku makumi osanwe. Makumi one, makumi osanwe ambi, ndiza. Oh, inzya, ndiza makumi otatwe ambi. Ncibotu. Lino tula bweza—tula bweza . . .

²⁶⁷ Tula abweza. Lino tuli . . . Jatilila buyo kkadi lyako, ikuti na toitwa. Mwabona, maminiti ali kkumi kuzwa teeni, elyo Ndi—Ndi yanda kuti mukabe kukwiyya kwa Munsono cifumo. Alimwi ndiza juunza, mukuba a kuswaangana kobil, tuyu tandila kugwisya makkadi oonse nge tujisi mpawo, alimwi mpawo—mpawo kutalika mapya mu Muvulo alubo.

²⁶⁸ Tu nooli kuli masiku mu Muvulo? Oh, tu nooli kunselelo, kwaamba, ku Tucson. Muta lubi kuselemukila ku Tucson lino, mu muswaangano wabaiminizi kunselelo okuya. Sa kuli umwi uuzwa ku Tucson? Inzya. Masimpe. Kabeela ka muunda wa inyika, neobeni, kweelede uuzwa okuya. Mukwesu Carl Williams uyo nditobela nkambo ka ceeco, amwi mazuba aya. Cindi ne kasaanguna kusika okuno, kwakali madolopo akali kuzundana, alimwi Nda bona nkwa cili.

²⁶⁹ Nda kazibila kuli ceeco. Bbola lyesu, bbesibbo, na tiimu ya basiketibbo ku munzi, alo madolopo azundana, Jeffersonville a New Albany, oh, ma, ma, ma! Fyuu! Taakwe nokutakwe cikama cipati ca kulwana lyonse, cindi bano jisi musobano, mpawo nse zyi nkou konzya kuba lyoonse.

²⁷⁰ Bali kuli ncico cakuzumanana, Ndi lizi, mu Tucson. Pele Phoenix yakakomena kwiinda Tucson ziindi zinji, Nda syoma, nkaambo Mebo . . . Tucson, Nse yeeyi kuti ngu wani theedi ku musela wa Phoenix. Pele . . .

²⁷¹ Tuya ku musanza, nkaambo ba jisi bantu bamwi, babotu basalali kumusanza okuya, Ndili masimpe. Koonse Nkwe kaunka mu inyika, kulaale mu masaka amu Africa, Ndi ciba jana. Oh, ma! Ni Nda konzya kuleta mukaintu wangu kutala okuno a ku mwiimbila lwiimbo busiku bomwe, "Ba zwa Kujwe a

Kumbo, kuzwa ku manyika ali kule.” Lino, uyo ima akusomoka cindi Nda amba ceeco.

²⁷² Walo uyoowa Mukwesu Rose calufu. Mukwesu Rose wakati, “Mucizi Branham mpali ano. Tula mulomba kuboola atala, kwaamba majwi.”

²⁷³ Waa kati, “Moyo wangu wakasotoka kutandila kkumi ayosanwe.” Kati, “Nda kaguna mutwe wangu ansi.” Kati, “Bill, ikuti na uli abusena bumwi mu muswaangano,” kati, “Njo yuba ncobeni.” Ngwa kusule neconzyo. Aboobo, Ndila—Ndila—Ndila mvwa kuli ceeci cindi Nda inka ku muunzi.

²⁷⁴ Nda syoma nyoonse nobantu baniini... Nda amba ceeci, kutali kuti mpali ano. Nywebo mulizi obo, alimwi boonse abo bamuzi. Nda syoma mwaalumi onse mukubusyi mu buyake obu, cindi akukwata mukaintu wakwe, uyooba uli kabotu kuli nguwe, alimwi muli mbuli bakkomene antoomwe, mbuli mukaintu wangu alimwi Nda kaba obo kwa myaka eyi. Ikuti na kuli kulumbaizya kupegwa ku mukwasyi wa Branham, akwiinke kuli nguwe. Ngu namalelo. Mbwe bede masimpe. Cintu comwe, walo mutumbu wini. Elyo mpawo amulange eco nca kalekela, mwabona, elyo mpawo, ee, inga—inga wagambwa obo mbocibede. Baa, bantu ku mulyango, isikati a masiku. Elyo ula ima akati ka ndime a buleya, mwabona, mpe mpawo, ku muunzi. Aboobo eyo nincito ndemu loko.

²⁷⁵ Elyo Billy Paul wakali muubauba, Nda yeeya, ziindi zinji, Nda kamubweza koonse, cindi banyina niba kafwa, muvwanda buyo muniini. Dr. Adair wakali kwamba kuti, “Yebo uli mulombwana uugambya.” Elyo Nda kali kunda ndikunselelo lya kagwagwa, nkemu bwezedeh, a walo kalilila banyina, alimwi akali mapeyo, nywebo mulizi, mebo nkemu jatilide atala a makuko angu, mbuli *boobu*.

²⁷⁶ Alimwi nse kajisi mali akubwene akubamba zyakwe... na ku muulila bbotulo ini. Nda ka muulila bbotulo lya Kkoku lijisi kapila ali ndilyo. Nda kali kulibikka *omu*, a kulibamba kunsi lya kuboko kwangu, kutegwa kali kasaala. Wa kali kunga walila maningi, Nda kali kunga ndatambikizya, kusyonka kapila ako mu mulomo wakwe. Ku mulekela kunyonka aniihi, akujosya bbotulo ansi *awa*. Alimwi mukupa waka Ndi tikila koonse, a zintuzyonse, nywebo mulizi.

²⁷⁷ Nda kali kumu jatilila, kuya bweenda kabotu, nywebo mulizi, kumu tola. Ciindi camasiku, ma, ma, nzila Mbwe kasola kumuumauma kuti aone, a kujana muntuumwi kumu langilila kuciindi Ne kaunka kuyo kombela balwazi. Twa kazwa lweendo lulamfu antoomwe. Nda syoma Uno tubambide munzila eyo.

²⁷⁸ Nda kamu bona jilo, kabwezedeh mulombe wakwe muniini. Elyo Nda kayeeya, “Billy, oyo wakali nduwe, kaindi buyo kakainda.” Ee, eyo nje nzila njo tweelede kucita, kuzwa mu nzila, a kupa bamwi ciindi. Alilelekwe Zina lya Mwami.

²⁷⁹ “Cindi mulavu avuluma, mwabona, nguni uta konzyi kuyoowa?” “Alimwi kuyoowa Leza matalikilo aa busongo.” Mbo mbubo? Eco nca kaamba muntu musongo. “I kuyoowa Leza.”

²⁸⁰ Lino, Ndi yanda ndinywe nobantu mu mundando oyo wa mipailo, nomwiimvvi awo, nyoonse nomuzi kuti taakwe Nce zyi kujatikizya ndinywe, amutambike maanza anu. Umwi aumwi. I Mwami mubotu waku Julu mukuba Mubetesi wangu; kucimo Nkwe zyi mu buumi bwangu, Nse na bwene omwe wabo mu buumi bwangu. Antela baka ndibona, kuzwa ku kukkala mu bbunga.

²⁸¹ Lino, mbangaye okuya mu bbunga, abo bazi kuti Nse zyi cintu comwe kujatikizya nduwe? Pele, nekuba, ula ciswa, alimwi ula syoma kuti, Leza, inga waguma mombe wa cikobela Cakwe, alimwi Leza inga wa kanana kuli ndime ku kwiita, mbuli Mbwa kacita ku mwanakazi, mbuli mwanakazi mutaanzi? Oh, ma! Ta cigambyi Nda kakambauka ciindi cilamfu. Bbunga mbuli eli, a musyomo wa lusyomo olo, lweelede kucicita.

²⁸² Oyu mulindu? Lino, ngooyu mulindu. Twa swaana sunumasiku mbuli beenzu, alimwi lino uli imvvi awa. Mubwini, antela ula ciswa, na kwayanda ujisi penzi limwi limbi.

²⁸³ Mwabona, Leza ula cita zintu zimbi kunze lya kuponya baciswa, nywebo mulizi. Elyo aboobo... Alimwi Wa kasyomezya kukkwanya kubula kwesu koonse, kubula kwesu, ciindicimwi kutali kuyanda kwesu, pele kubula kwesu. Lino Ndi yanda kuti muyeeye buyo, aumwi lino, cindi waunka ku muunzi, na ikuti tona cibalide kale, mukabale Musalali Johane 4, a—a kubona lino. Lino, awa, lino, Nse yeeyi...

²⁸⁴ Anda ambe ceeci. Nda syoma, oyu mulimo, kwayanda Uyo nditola ku muunzi na kuusumpya. Uli—uli nkoonya kunselelo ku ciindi eci camamanino. Na, kundi tuma kumasena alandukwa lwizi na kumwi oko nko bataninga Umvwa. Mwabona? Kuli cintucimwi cilaafwi kucitika. Kamu yeeya buyo.

²⁸⁵ Alimwi, amuswiilile, Ta ndili muntu uusambala mateepu. Pele Ndi jisi mukwesu mubotu awa oyo utola mateepu aya, nkabela Mba. Maguire. Nda syoma walo ngu James Maguire. Alimwi zyanyinazyala wakwe—wakwe, Mukwesu Sothmann kusule okuya, mba jisi mateepu aya. Inga ndacita, ikuti umwi wanu ujisi teepu rekkoda... Nse kowamba cili conse kujatikizya ncico lino, nkambo Nse zyi cintu kujatikizya ncico. Pele ikuti na wasola kuula teepu kuzwa kuli mbabo, koula teepu eyo, *Baalumi*, *Ino Nciindi Nzi?* Kai swiilile, *Baalumi Ino Nciindi Nzi?* Kailizye cakukomba, elyo mpawo uka talike kundi kombela. Mwabona? Cindi wa... Nkaambo, uya kubona mpawo buyumubuymu obo—obo Mwe imvvi ndyoonya awa sunumasiku. Amwaambaule kujatikizya kuba mu buyumuyumu, ikuti ni mwalizi owo Mpe kaimvwi, ndyoonya lino, ndyoonya awa! Mwabona? Pele nde elede kuzumanana. I sikuzwidilila

taleki pe, alimwi sikuleka ta zwidilili. Mbo mbubo. Nde elede kucita eco Nce kakambauka. Mwabona? Lino, Nda musyoma Leza. Nda Mu syoma ndyoonya lino.

²⁸⁶ Lino, mpaawa aa mbaakani. Lino ikuti na Nda—ikuti na Nda li Mwami wesi Jesu uliimvwi awa, alimwi oyu mwanakazi wali cisidwe, mulizi kuti ni Nda konzya kumuponya ikuti na Nda li Mwami Jesu. Ne takonzya kucicita, nkaambo Nda kacicita kale. Lino, mbangaye bazi kuti obo mbwini? [Mbunga yaamba, “Ameni.”—Mul.] Mwabona? Ncamasimpe.

²⁸⁷ Wa kajatila kale zibi zyoonse. Wa kaponya kale mulwazi oonse. Wa katambula kale obo Bulowa a Kalivari. I muulo waka bbadelwa kale. Oonse waka bbadelwa. Pele cintu biyo ncoelede kucita nku Ci zamina, ku Ci syoma, aku Ci zamina. Alimwi tokonzyi ku Ci zamina kusikila wa saanguna ku Ci syoma. Mwabona? Syoma makanimabotu.

²⁸⁸ Lino, pele ino kuti Wa liimvwi awa, kasamide eyi nsuuti eyo Mwami mubotu nja kabamba Mukwesu a Mucizi Williams ku nduulila, kutandila myaka yosanwe na cisambomwe yakainda? Alimwi ino kuti Wa liimvwi awa ku nsuuti eyo, kasamide nsuti eyi, a mwanakazi oyu wali imvwi awa?

²⁸⁹ Lino, ikuti na Wa jisi nembe mu janza Lyakwe, Na ti, “Yebo wabona, Ndime Mesiya. Ndi... Wabona nembe na? Langa ku nkumu Yangu.” Lino sikulicenseezya uli oonse inga wacita eco. Mbo mbubo. Inga nse Mu ziba kuli ceeco. Elyo ikuti na Wa liimvwi awa mbuli obo, Ne ta Mu ziba pe. Ne ziba kuti tacili ncico.

²⁹⁰ Nkaambo, cindi Aku boola, mweembo uyo lila. Tuyo... Ta kabooli nouba ku nyika. Tuya kukwempwa mu mulengalenga, kuyo Mu swaana. Mwabona? Tuyo Mu kwempa mu mulengalenga. “Swebo baumi a basyaalizi tuyo kwempwa antoomwe a mbabo, kuyo swaana Mwami mu mulengalenga.” Ta booli ku nyika. Tula Mu swaana mu mulengalenga.

²⁹¹ Pele lino, Wa kati, “Njo oba andinyewe, ku mamanino aa inyika. Nse kamusiyyi naanka kumu tantamuka.” Mbobuti Mbwa konzya kuba? Buumi Bwakwe. Mpawo, ikuti na Buumi Bwakwe bwaba muli ndime, elyo mpawo inga Nda Mwi iminina. Mpawo, ikuti na bwacita, inga bwaba Buumi mbubonya bwakali muli Ngewe, inga bwacita zintu nzyoonya Nzya kacita.

²⁹² Lino ngooyu mwaalumi a mwanakazi, mbuli Musalali Johane 4. Wa kaswaana mwanakzi. Taa kalina mubona kale. Taa kalina Mu bona. Alimwi mbaabo bakaliimvwi, antoomwe. Alimwi Wa kamwaambila, mwanakazi ku mukalo, penzi lyakwe mbo lyakabede. Elyo cindi Na kacita ceeco, waa kati, “Munene, Nda Ku ziba kuti Uli—Uli musinsimi.” Waa kati, “Pele tu lizi kuteeti Mesiya, cindi Aboola, Oyo uutegwa Kristo, caamba, ‘Umwii uunanikidwe’; cindi Aboola, Uyo cita zintu ezi, ku twaambila zintu ezi.”

Elyo Wa kati, “Nde Ndime, oyo ukanaana kuli nduwe.”

²⁹³ Lino, ikuti Ngu mbobuca nguwenya, sunu, amuya myaaka; biyo, mubili wanyama... Ula belesya mubili wesu. “Walo musaansa. Tuli mitabi.” Mpawo, oyo Muuya inga wacita alimwi mbubonya mbuli Mbo wakacita cindi Ni wakali muli Nguwe. Sa mbombubo? [Mbunga yaamba, “Ameni.”—Mul.] Sena inga cakubamba kusyoma? Kwaamba, “Ameni,” ikuti na inga cacita. [“Ameni.”]

²⁹⁴ Lino, omulindu, mebo mukuta kuziba, nsena kubwene mu buumi bwangu, mbuli Mbwe zyi. Mubwini, antela waka ndibona mu kagwagwa na mu miswaangano, amumwi. Pele eci nce ciindi citaanzi ca kuswaangana kwesu.

²⁹⁵ Lino, ikuti—ikuti na nkuponesegwa nko bulide, ee, Mebo, ikuti Nda konzya kucicita, inga Nda cita, alimwi ikuti na Nda jisi nzila ili yoonse. Alimwi ikuti na nzyamali, ikuti Nda—Nda konzya kucigwasya, inga Nda cicita. Alimwi ikuti na wati, kwayanda muntuumwi umbi, inga wati, “Nda boola awa, Mukwesu Branham, kuli nduwe ku—ku pailila mwana wangu mulombe, na mwanamusimbi, na mucizi wangu, na taata,” na muntuumwi. Inga ndacita eco, wabona, kufumbwa Nee konzya.

²⁹⁶ Alimwi—alimwi ikuti na wa jisi penzi lyakung’anda, Inga ndati, “Ndi yanda ku kuswaana amulumi wako, antomwe, a kwaambaula kuli nduwe kubusenabumwi kunze lya waano, yebo wabona, kutegwa Nda konzya kwaambaula kuli ndinywe nyobilo a kubona eni ali kampenda mpo kabede.” Mpawo, cindi Muuya Uusalala wayubununa, kwaamba, “Lindila aniini. Ko cita *ceeci* mpoonya awa ku ciindi *ceeci* cimwi.” Eco cila cibamba. To konzyi kukaka eco. Wabona? Kwaamba, “Ko cita *ceeci* abusena awa.” Mpawo, mpawo cabambwa, yebo wabona. Lino, kotalikila kuzwa mpoonya awo. Wabona? Eyo nzila, ca citwa.

²⁹⁷ Lino, ulizi kuti Nda ambaula kuli nduwe ku bukanze bumwi. Ndali kukambauka. Wabona? Elyo mpawo Ndiya—Ndiya bukacilwa kulijata ndemwini mu—mu bunanike bwa cintucimwi cimbi, yebo wabona, ku bona na Muuya Uusalala ula sika akubeleka ali ndime a cipego Cabuleza; nko kuti, magano atweluka obilo akkede antoomwe ncobeni, ayo andipa luzyalo lwa Leza kubona zilengaano, a kubona eco cicitika, eco ciya kucitika, eco cakaliko.

²⁹⁸ Ula ziba naa mbwini na pe. Uli imvwi awa kumbele lya bantu batandila ku mwaanda nobaceya, wabona, na munsi kuli nguwo, myaanda yotatwe, nekuba. Wabona? Alimwi—alimwi uli zyi kti ci—ci... Uli zyi naa mbwini na pe. Alimwi—alimwi ikuti na mbwini, nkokuti ngu Leza. I Bbaibbele lyakati, “Ikuti na kuli umwi akati kanu, simuuya na musinsimi, nkabela eco ncaamba cacitika, mpawo amu muswiilile.” Wabona? Lino, “Ikuti ba tacitika, nkokuti muta muswiilili.”

²⁹⁹ Lino, Nse jisi muzeezo wa ceeco mulindu ncali waano. Pele lino kulekela buyo Muuya Uusalala kusika, a kubona na Ta kocaamba. Wabona? Elyo ikuti eco tacikooba cintu nciconya Mwami wesu nca kacita! Oko nkukoonse Nkwa konzya kucita ikuti na Wa liimvwi mpoonya awa, nkaambo, koyeeya, ngo Nguwe. Ngo Nguwe. Ta ndili ndime. Nse muzi. Nda lyambilila, Nse muzi. Aboobo, inga catola Nguwe.

Lino, mubwini, mulindu ujisi kulimvwa kubotuloko ku muuya wakwe.

³⁰⁰ Kutali nkaambo kakuti waa tambika janza lyakwe mujulu. Nyoonse nomwakali mu miswaangano, a kuba bona kaba tambika maanza abo mujulu, kucita mbuli *obo*, nkabela Muuya Uusalala kuvviila ncobeni a kubaambila *obo* mbobakabede. Wabona? Mbo mbubo. Eco ta caambi cintu cili conse. Kubamvwa kaba kwilla a koongolola; mpoonya awo, wa baambila mpoonya awo, “Yebo upona a mukaintu wa mwaalumi *oyu*,” cibona mpoonya *awa*, zintuzyonse zimbi. Ee, yebo ulizi. Mwa kali mu miswaangano a kubona nzila zintu ezyo, a kubona nzila ya zintu. Eco ta caambi cintu.

³⁰¹ Pele mulindu uboneka kuba a kulimvwa kubotuloko ku muuya wakwe. Lino, mulindu uciswa cintucimwi cilubide. Nda mulangilila, nzila mbwa lya. Uli kumbele lyangu lino, ku tafule, a musyobo wa zilyo na cintucimwi, musyobo wa zilyo zyeenzu. Mbo mbubo. Mbwini na? [I mucizi waamba, “Mbo mbubo.”—Mul.] Nkokuti nyamuna janza lyako kutegwa bantu balibone. Wabona? Nda bona mulindu kumbele lyangu, kacita cintucimwi. Kufumbwa mbo cabede, cili aa teepu. Wabona? Ncibotu. Lino, kutegwa buyo uzibe kaambo...Walo muntu mubotu.

³⁰² Amulangilile aniini buyo. Lino Muuya uli mukunanika. Lino, nyoonse amukkale kamu bateme loko. Amuzumanane kupaila. Amube mu mupailo, nkaambo Nda Ubona kaweenda ncobeni atala lya bbunga mpoonya buyo. Mwabona? Lino amubatame loko.

³⁰³ Atu bone mulindu alubo, ku kanana buyo anguwe. Kufumbwa eco Nca kwaambila...Inzya. Nceeci we. Cili a tafule. Ndi—ndi penzi lya mwida. A musyobo umwi wa bulwazi buyambukila, na cintucimwi mwida. Ii dokotela wakali kucilanga eci. Alimwi, kwaamba, ujisi eli penzi kwa ciindi cilamfu. Alimwi, lumwi, ca kaambwa kuti, “Ausa, eco ibuka.” [I mucizi waamba, “Cakali masimpe.”—Mul.] Alimwi lino waamba cintucimwi. Cakali cinzi eco? “Tumbo. Tumbo.” [“Tumbo.”] “Tumbo,” Nda mumvwa kaamba ceeco. Wabona? [“Mbombubo.”] Mbo mbubo. Mbo mbubo ncobeni. Zina lyako ngu Muka McCraw. [“Iiyi, munene.”] Mbo mbubo. Kozumanana lino, akusyoma a moyo wako wonse. [I mucizi walila nkambo ka lutangalo—Mul.]

Sena mula syoma? [Mbunga yaamba, “Ameni.”—Mul.]

³⁰⁴ Kumane kulila booboo, kukkala kusule okuya, munene, mapunga ayo akanyana ayo ngo kajisi weelede kulimvwa kabotu kwa lino, ikuti na ula syoma. Kuli kabotu lino. Ncibotu, eco ca cicita. Ameni.

Wa guma nzi?

³⁰⁵ Mwaalumi, kutandila bali bobilo kusule lyakwe okuya, a kuyuma kwansinga zyabulowa, ikuti na ula syoma ayebo, munene!

³⁰⁶ Wa guma nzi? Tamukonzyi kubona oyo Mumuni uulengela mpoonya alya? Amulange Mubala wayeloabrauni *awo*. Nse muzi mwaalumi, nsena mubona mu buumi bwangu. Kosyoma buyo Mwami Jesu.

³⁰⁷ Lino, amwi, ngooyo muvwanda muniini awa, kana kajisi nsingo ya kapilingana. *Nceeco we*. Nse muzi. Kosyoma, mucizi. Eyo nsingo ya muvwanda ila olololoka, ikuti na uyo cisyoma.

Waa guma nzi? Aleluya.

³⁰⁸ Kuli cintucimwi cimbi cijatikizya nsingo. Nda cibona. Walo mwanakazi. Nse konzyi kumubona mpabede. Inzya. Uli kkede awa, kalila. Muka. Riley, kosyoma aa Mwami Jesu Kristo, nsingo yako uyooba kabotu. Kosyoma.

³⁰⁹ Nse muysi mwanakazi. Nse na mubwene mu buumi bwangu. Cintu biyo nco elede kucita nkusyoma Jesu Kristo. Sena mula syoma obo? [Mbunga yaamba, “Ameni.”—Mul.] Amube a lusyomo.

³¹⁰ Nse kuzi, munene. Ta tuzibene pe, kuciimo mbuli Mbwe zyi. Ula syoma na kuti Jesu Kristo inga wa ndaambila penzi lyako mbolibede? Ula ziba naa cili luleme na pe, embo na? Ikuti na inga wasyoma a moyo wako oonse lino! Zumanana kuya ku bbunga. Ula syoma na kuti mukaintu wako okuya uyo pona, awalo? [I mukwesu waamba, “Iiyi,”—Mul.] I penzi lya liso, uciswa penzi lya liso. Ulacisyoma? Tozwi kokuno pe. Peepe. Yebo uzwa kuli maanzi manji, nzila imwi. Dolopo lya nkomwe. Ngu California, Los Angeles. kobweeda nkozwa, Ba. Bowman, akuba kabotu. Elyo Jesu Kristo uyo kubamba kuba kabotu.

³¹¹ Sena mula syoma? [Mbunga yaamba, “Ameni.”—Mul.] Lino, nywebo, umwi aumwi inga waponesegwa ndyoonya lino ikuti na wa cisyoma. Mula cisyoma eco? [“Ameni.”]

³¹² Ino kujatikizya nduwe mu mundando wa mipailo, ula cisyoma, ayebo? Koba buyo a lusyomo, a kuta zumbauzya. Kosyoma a moyo wako oonse, aniini.

³¹³ Oyu mulindu, kaambo Nce ima ali ngu, uli mu ciimo cibyaabi. Oyu mwanakazi ulafwa mpoonya awa ikuti na cintucimwi tii cacitwa kuli nguwe, nkaambo uvumbilidwe cimvule. Mwabona cimvule eco cisiya atala lyakwe na?

³¹⁴ Kwaamba, nywebo mulizi, tu jisi cimvule eco atala lya bantu, cakakkopwa a kkamera ya zifoto, mbubonya mbuli Angelo wa Mwami? Tuli cijisi kacilengelela mu mbungano yesu; cintu cipati loko, ciboneka kusiya, mbuli kambizi ka saikkloni, kacilengelela atala lya mwanakazi. Ba kamwaambila kuta kkopa cifoto. Elyo Muuya Uusalala wakati, “Ko cikkopa ndyoonya lino.” Elyo ba kakkopa cifoto, nkabela mboobo mbocakabede. Mwabona? Mabazu obilo, awa. Cila lengelela nkoonya okuya.

³¹⁵ Nywebo nobantu bazwa ku cikombelo, nobamwi baliko, abo bali kookuno, Mukwesu Fred a balo, nceeci cintu nciconya kacilengelela mpoonya atala lya mwanakzi oyu.

³¹⁶ Ujisi kkulenge, mbo mbubo, subilo. Mbo mbubo. Sa mbombubo? Nyamuna janza lyako ikuti na nkasimpe. Mwabona? Lino mudima wainka, kakutakwe kwaamba cili coonse. Mwabona, lusyomo buyo lwakwe, ndolwa cicta. Koya, kosyoma. Ameni. Ameni. Uta cizumbauzyi. Koya buyo a kusyoma moyo wako oonse.

³¹⁷ Penzi lya moyo lila jaya bantu banji, pele tali kakujayi ikuti na uyo syoma. Ameni. Koya buyo, koamba, “Ndalumba Mwami.” Koya ukabe kabotu. Ncibotu.

³¹⁸ I dyabulosi uyanda ku kubamba kuba coondamazwi eci buumi bwako boonse. Pele ikuti na wasyoma a moyo wako oonse, Jesu Kristo uyo kubamba kuba kabotu. Sa ula cisyoma? Talika lweendo lwako, koya bulumba Leza.

³¹⁹ Ula syoma na a moyo wako oonse? Inga waunka akuyolya cilalilo cako, nkabela eelyo penzi lya mwida liyo kusiya. Koya buyo a kwaamba, “Alumbwe Mwami!” Koya, ko Mu syoma a moyo wako oonse.

³²⁰ Wali jisi, ayebo, penzi lya mwida. Kosyoma a moyo wako oonse, a kuunka, nkabela Jesu Kristo uyo kubamba kuba kabotu. Ncibotu.

³²¹ Ino uyoowa nzi obu? Yebo upenzegwa kulibilika. Kwali kwa kutola ansi, kutandila kuba mu kunyongana kupati, Saatani ula beja kuli nduwe. Pele kwamana lino. Ulandi syoma na? Koya, a kwamba, “Alumbwe Mwami!”

³²² Mwami Jesu, Nda komba kuti Uyo ponya mucizi wesu a kumubamba kuba kabotu, mu Zina lya Jesu. Ameni.

³²³ Boola, kosyoma, mucizi. Mu Zina lya Jesu Kristo, Nda bikka maanza angu ali nguwe kukunesegwa kwakwe.

³²⁴ Boola, mukwesu wangu. Mu Zina lya Jesu Kristo, Nda bikka maanza angu aa mukwesu ku kupunesegwa kwakwe. Ameni.

³²⁵ Mbangaye bajisi moyo uusyoma, kensi lya janza lya tambikwa? Lino bikka janza eelyo aa muntuumwi utobela nduwe. Yebo wati, “Sa Amosi inga waamba eco?” Inga nacita ncobeni. Eelyo ndi Ijwi lya Mwami. Tambika janza lyako, ko syoma.

³²⁶ Jesu wakati, “Ezi zitondezyo ziyo batobela abo basyoma. Ikuti na babikka maanza a balwazi...” Akwalo teelya kaamba kuti inga bayo bakombela. Kati, “Ikuti na babikka maanza abo a balwazi, janza buyo kubikkwa ali mbabo, bayo pona.”

Atu kombe.

³²⁷ Mwami Jesu, Mwaami wa vulum a Jwi Lyakwe, “Ezi zitondezyo ziyo batobela abo basyoma. Ikuti na babikka maanza abo aa balwazi, bayo pona.” Mwami Leza, akube kuti daimona lyonse likwiile. Akube kuti bulwazi boonse buzwe. Akube kuti dyabulosi azundwe, nkabela bana ba Leza bazwe mu buyake obu sunumasiku mu luzundo a nguzu zya bubuke bwa Jesu Kristo.

³²⁸ Ko cisyoma. Mbo mbubo. Kokkala buyo ncobeni a ncico. Kwaamba, bikka buyo, ko cibikkide janza lyako a muntuumwi, kwaamba “Mwami, ba ponye.” Ndi yanda kuti upaile. Nda paila. Ndi yanda kuti upailile muntuumwi. Uli—uli i... Uli Munakristo mbuli Ndime. Toonse tuli Banakristo. Lino kopailila muntuumwi. Bala kupailila.

³²⁹ Lino, mbobuti mboyanda muntuumwi ku kupailila? Koba pailila mbuli mbo yanda muntuumwi ku kupailila. “Ko citila bamwi, mbuli mbonga wayanda bamwi kuli nduwe.” Paila ncobeni, kosinizya, mbuli buyo mboyanda bamwi ku kupailila.

³³⁰ “Elyo mupailo wa lusyomo uyo vuna balwazi. Leza uyo babusya. Alimwi ikuti na baka jisi kutasyoma kumwi, kuyo gusigwa kuzwa kuli mbabo.” Nkaambonzi? “I Mwaami wa vulum. Nguni uta konzyi kusinsima? Nguni uta konzyi cita kulungulula cindi Mwami avulum?” Ijwi Lyakwe lilati, “Ngu mbobuca nguwenya, sunu, amuya myaaka.”

Mukwesu Fuller, boola. Leza aku longezye.



INZILA YA MUSINSIMI WAKASIMPE TNG63-0119
(The Way Of A True Prophet)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Mujibelo mangolezya, Mukazimaziba 19, 1963, ku Faith Temple mu Phoenix, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org